


ALB. MANTII  
DE QVAESITIS  
PER EPISTOLAM  
LIBRI. TRES

IAN. CVLIE LIII  
VERISIMILIVM  
LIBRI. TRES

VENETIIS. 1576

ANTVERPIAE  
PLANTIN. 1582






Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4025/A





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4025/A



Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4025/A

3007

(2)

I A N I  
G V L I E L M I I  
V E R I S I M I L I V M  
L I B R I T R E S .



A N T V E R P I A E ,  
Ex officina Christophori Plantini.  
M. D. L X X X I I .





AD II  
GENE  
TO. CT  
HEMI  
1A



inculc  
quam in  
pauca  
humani  
cogites  
indole  
quarta  
quod de  
no no  
quod in  
quod in



AD ILLVSTREM ET  
GENEOSVM DOMINVM  
IO. CYRIACVM L. BARONEM POL-  
HEMIVM, ET VVARTENBVRGICVM, &c.

IANI GVLIELM I  
*Lubecensis*

P R Æ F A T I O.



V M multis in rebus ve-  
rū experimur, quod à sa-  
piētissimis viris proditum  
est, honestum suapte vi  
pollere, aliena illa laudis  
atque vtilitatis lenocinia,  
vt alliciat impellatq. ho-  
minum animos, non desiderare; ~~tū~~ nuf-  
quam magis, meo iudicio, opinor tuo etiam  
generosissime I O. C Y R I A C E, quàm in  
humanitatis & litterarum studiis. Etenim si  
cogites, quid id sit, quod optimam quamque  
indolem inflammatam studio rapiat ad anti-  
quitatis rerumq. gestarum memoriam, quæ-  
que de virtutibus est doctrinam, adeoque  
vno nomine humanitatem cognoscendam,  
excitetque ad cultum linguarum earum, qui-  
bus inclusi hi thesauri rerum nobilissimarum  
tenentur; non temerè reperias aliud præter

\*

2

opinio-



P R Æ F A T I O.

opinionem, non auditione acceptam illam, sed à natura insitam atque innatam, honestissimè sciri omnia hæc; ignorari ac prætermitti turpiter, & ab ignauissimo quoque, aut, quod iuxta est, stolidissimo, quiue, quid in hac naturæ præstantia hominem imprimis deceat, illustretque maximè, perspicere non possit. Præmia quidem doctrinarum ac virtutis ab imperitissimis occupari sentimus, quorum opera popularis, & splendor in vulgus est: neque id rectè, an secus fiat, nunc disputo; hoc quidem, ego si taceam, res ipsa loquatur, ut ad opes honoresque nitare, coli & amari litteras non posse: quas qui arctius amplectuntur, iam etiam vtrò sibi, mitto dicere ad dignitates & opulentiam (nam ferendum hoc quidem aliquo modo esset tamen) sed ad ipsam quoque, si diis placet, veram & solidam laudem aditum præcludunt. Huc enim rerum ventum est, & parum fuit imperitiæ diuitias ac honores ex victis litteris spolia cepisse, nisi hoc quoque dedecus inurerent, inertesque & insanas audire vulgo cogerent. Itaque quod ille olim monebat sapientes, ut latèrent, & se à luce publica & turba fama que etiam hominum in otium & tenebras vindicarent, satisque habèrent bene vixisse, & latuisse; hoc nunc ut aliter faciant

copiæ



P R Æ F A T I O.

copiæ non est: quippe ubi in maximis tempe-  
statibus, quibus multas respublicas iam pes-  
sum ire videmus, ut quisque à doctrina reli-  
ctissimus atque imparatissimus est, ut ab hu-  
manitate refugere semper visus est longissi-  
mè, ita facillimè ad clauum admittitur: hi,  
quibus solis suæ reipublicæ gubernacula Pla-  
to commendat, si viuere iam, & in sentina  
iacere possunt, pulchrè discedunt. Nam phi-  
losophum quidem nunc quis è multitudine  
admiratur? quis non cum occasio est irriden-  
di, arripit? adeoque si nulla est, tamen arri-  
pit nullam? *nemo, herculè nemo*: ut ait in re  
simili Persius, nisi qui aut eodè morbo (nam  
quæ nunc tempora sunt, hoc verbo vtendum  
est) laborant, eandemque se in corruptelam  
coniecerunt; aut diuino quodam iudicio  
(quod genus in multis millibus vix singulos  
reperias) quanto plus in recessu litteræ boni  
habeant, quàm primore fronte de se promit-  
tunt, animaduenterunt. Quamobrem si quem  
neque rei suæ respectus deterret, neque, quæ  
plerosque omnes transuersos agit, ambitio  
retrahit, neque hominum sermo moratur,  
quin animi sui sententiam accedat, perpe-  
tuoque deinde quem initio cursum petue-  
rit teneat, quid eum aliud censcimus, quàm  
posteaquam ad eius oculos honesti pulcritu-  
do al-

\*

3

do al-



P R Æ F A T I O.

do alluxerit, mirifica illa specie sola percussum, tamquam deo impletum, parui putasse omnia, præquam ne illud è manibus atque amplexu amitteret. Et mihi quidem in hac cogitatione versanti, tu imprimis occurrere soles, generosissime I O. C Y R I A C E, qui vtrumque, & perspexeris speciem hanc prudentissimè, & amâris constantissimè. Vidi enim ipse ante paucos annos, Rostochij cum viueremus vterque, incredibilem contentionem animi tui, & exercitationes in omni studiorum genere assiduas: cum tu nobis omnibus præires exemplo non modò diligentia, sed etiam continentia; neque solum voluptati, sed omnino otio; siue verius est requiem dici, atque intercapedinem laboris; bellum indiceres, ut in optato sapientia portu maturè conquiesceres. Itaque in tanto auditorum numero, quantum & opportunissimæ urbis situs fama que celebris Academia, & clarissimorum virorum Caselij, Brucæi, Chytræorum, aliorum que auctoritas facere poterat, nemo magis doctoribus in ore erat, quem illi sobrium continentem que laudabant, ut naturæ tamen bonum agnoscerent, totum que cælo fluxisse, uti ne si velles quidem posses à te ipso desciscere: diligentiam illam memorabilem & nescio  
an in



P R Æ F A T I O.

an in vestro isto ordine sine exemplo, cū  
dies noctesq. tibi instares; quando id in opti-  
ma natura plerumque contrā occurrit; sic ad-  
mirabantur, nihil vt posse præclarius fateren-  
tur. Magnum hoc, magnum in homine co-  
piofo & beato; in eo verò qui genere cum  
nobilissimis Germaniæ nostræ comparari, o-  
pibus anteferri etiam plerisque possit, vix  
iam humanum est. Me quidem certè ita ce-  
pisti, vt & tunc statim admirari te cœperim,  
& hoc tēpore cuius patrociniū librum hunc  
potius committere vellem, ex omni nobi-  
lium nostrorum flore repererim neminem,  
tum ob auctoritatem nominis tui apud om-  
nes merito tuo maximam, quæ mihi & præ-  
sidio aduersus inuidorum calumnias & ho-  
nori ad famam bonorum futura esset: tum  
propter summam illam & notam pridem mi-  
hi humanitatem tuam. Qui enim iam olim  
ea quæ admodum adolescentulo exciderunt,  
non aspernari visus es, vt hæc non item lu-  
benter in clientelam tuam recepturus sis, vi-  
deor metucere non debere; non illa quidem  
fortasse multo politiora, neque priuatim ad  
famam nominis mei vberiora, sed tamen, si  
iudicare mihi de studiis meis permittitur,  
multo publicè vtiliora. Nam reliquis in re-  
bus scriptione supersederi sæpe poterat; cū

\*

4

omnia



P R Æ F A T I O.

omnia politissimi veteres, & inuenerint, quàm ij qui nunc sunt homines, acutiùs, & differuerint ornatius: hoc genus hac litterarum ætate, & librorum ea, qua laboramus infinita propemodum mole, solùm necessarium est: si quidem interest linguarum & artium, limpidissimos fontes antiquorum hominum; è quibus solis illæ rectè & præfiscinè hauriuntur; iniuria temporum turbidos, obstructos etiam sæpe, retari & perpurgari; quod certè interest, id què arbitror negaturum neminem. nam libri vel sapientissimè scripti, nisi intelligantur, vfui esse non possunt; sed nec intelligi, si maculis scateant. Ita fit, vt hisce eluendis operam qui impendunt, eadem pulcerrimis monumentis & integritatem nitoremque suum restituant, & lucem fenerentur. Quod vtrumque & ipse hęc secutus sum certè; quantum autem consecutus sim tu iudicabis generosissime I O. CYRIACE & à te eruditi viri alij: quos tamen; si cogitabunt, hanc me scribendi viam primum popularium meorum, præcedente quem subsequeretur nullo, ingressum; æquiores spero futuros industriæ meæ; neque tam reprehensione, sicubi defecero, quàm, vbi perduxero, laude dignum iudicatuos. Te quidem qua es humanitate, certò scio, conatus



PRÆFATIO.

natus hosce meos non improbatum, excusaturumque offensiunculas, quæ erunt, apud alios adolescentiæ, nonnullos etiam patriæ nomine. Quod ut facias & à claritate nominis tui hæc nostra splendoris nonnihil mutuari patiare, meque adeò totum aduersus maliuolos tuendum tibi defendendumque suscipias, etiam atque etiam abs te peto. Vale. In Agrippinensibus, Kalend. Decembris. ∞ . D. XXCI.

\*

5

IN



INDEX CAPITVM QVÆ  
LIBRO PRIMO.

CAPVT I. Misargyrides. Plautus Mostellaria emendatus locis tribus.

CAP. II. Habe tibi res tuas. Duſum locorum Afranij apud Nonium correctio.

CAP. III. Insignis M. Varronis sententia correctæ. item Plautus, Terentius, Ovidius leuiter.

CAP. IIII. Bona scæua. Penitet. Priui custodes. Immodo. Peſsum ire, premere. Plauti Pseudolus multis locis emendata, vno Mostellaria.

CAP. V. Hendecasyllabi poëta veteris apud Isidorum maculosissimi nitori suo restituti.

CAP. VI. Obserere beneficia, pugnoscere. Serere fallaciã. Bitere & bitare. Attij fragmenta aliquot correctæ, & Plautus Pænulo.

CAP. VII. Tubuli. Animi angi. Pretio vincere. Cicero Verrinis aliquantis locis emendatus.

CAP. IIX. Vita familiaris. Lubens. Lubentia. Plauti Persa duſum locorum restitutio.

CAP. IX. Truones. Silus. In Festo pauca animaduersa.

CAP. X. Videri scribendum saltem, non, vt vulgò, saltem. Illustratus Gellius lib. XII. cap. XIII.

CAP. XI. Pergula. Creta in toga candidati. Inspare. Padidum. Pomponius apud Nonium restitutus pluries.

CAP. XII. Notatum prouerbium, Ossa atque pellitum Virgilius, Ovidius, Plautus emendati.

CAP. XIII. Notatum item prouerbium, Vipera est in repreculari. Cacabus. Illustratus Virgilius, & Cicero pro Sextio.

CAP. XIV. Votitus. Tamenetsi. Nullus pro non. Casina prologo versus, item alter ipsa in fabula restitutus & Terentius Andria.

CAP. XV. Varronis duo fragmenta composita. eiusdem  
Modij



INDEX CAPITVM LIB. II.

*Modij argumentum, & indidem sententia adducta expressa de Plauto.*

CAP. XVI. Euripidis Medea locus emendatus, & cum simili Ciceronis compositus.

CAP. XVII. Paccuij versus aliquot compositi de coniectura, & correcti.

CAP. XIX. Vocare. Vocationes. Emendatus Eunucho Terentius bis, Stichus Plautus semel.

CAP. XIX. Aucupare. Quo pro quod. Threces. M. Varro De lingua Latina quarto libro correctus: item Cacilius.

CAP. XX. Praesidium pro viatico. Emendata Plauti Pænulus.

CAP. XXI. Pecua præcia. Præcia. Species luminis. Specere. Attij fragmenta multoties emaculata apud Nonium.

CAP. XXII. Aui aduersa. Ilij. Addubitatum de Plauti versu Bacchidibus: alius indidem emendatus.

CAP. XXIII. Mos antiquus in nuptiis. Mutinus Trinius. Mutinum, Muto. Mutoniatus. Praesidere. Correctus Lactantius, & locis duobus Lucillius.

CAP. XXIV. Plauti Stichus emendata locis duobus, vno Trinumus, item Titinnius leniter.

CAP. XXV. M. Varro quinto De lingua Latina emendatus.

QVÆ LIBRO II.

CAP. I. Lucillij Saturæ xxx. quod videatur fuisse argumentum. in eam rem complures ex ea versus adducti, & de coniectura compositi, correcti.

CAP. II. Mansum ex ore dare, prouerbium. Orea. Culpa. Eadem Saturæ emendatus Lucillius.

CAP. III. Tagere. Tagaces. Pernuari. Truculentus Plauti correctus.

CAP. IV. Exante. Inante. Insuper habere. Superesse pro defendere. Emendatus Appuleius & de Oratore Cicero.

CAP.



# INDEX CAPITVM

CAP. V. Tegillum & tectum, pro veste. Alieni. Appuleius correctus: item Lucillius apud Nonium & Cato apud Festum.

CAP. VI. E Plauto insigne glossema sublatum: tum emendati & concinnati versus aliquot.

CAP. VII. Tolutim ire. Acupedius. Sonticum. Remos detondere. Emendatus Nonij versus, & complures Lucillij.

CAP. IIX. Consilium. Consiliari. Opus approbare. Durare. Illustratus Plautus Pœnulo & Asinaria.

CAP. IX. Lucillij fragmenta aliquot correctâ, composita, & cum Terentij loco simili collata.

CAP. X. Eiusdem Lucillij versus cum Terentij & Virgilij compositi: tum adducta in medium & emendata insignis sententia.

CAP. XI. Herere alicui. Numerus. Neglegi pro negligi. Sacramenti militaris formula. Correctus Cicero Philippicis, & Terentius Adelphis.

CAP. XII. Sarcinare. Acie. Machine sarcinatricum. Nonius restitutus, & explicatus apud eum Varro.

CAP. XIII. Eloco pro illico. Plautus Menachmis & Truculento emendatus: item Varro.

CAP. XIV. Mos antiquus laudandi nouam nuptam, & cur iactati in nuptiis fescennini.

CAP. XV. St. Cautes Terentij Heautontimorumenos correctâ.

CAP. XVI. Surdè audire. Surdo narrare. Graca mercede curare. Homo non fescuncie. Correctus Pomponius.

CAP. XVII. Roia fortune. Peculiares serui & ancilla. Tunica laxa. Tibullus illustratus locis aliquot.

CAP. XIX. Frater cibarius. Cibicida. Amicus ferentarius. Varronis fragmentum emaculatum, & cum altero compositum.

CAP. XIX. Quid nisi. Tempori. Andria Terentij versus tres de coniectura constituti.

CAP.



## LIBRI TERTII.

CAP. XX. Plautus *Afinaria* emendatus.

CAP. XXI. *Tricari. Tricones. Reposcones. Abundare voluptatibus. Turpilij fragmenta emaculata.*

CAP. XXII. *Correctus Plautus Casina & Mostellaria.*

CAP. XXIII. *Fragmenta Turpilij aliquanta restituta.*

CAP. XXIV. *In A. Gellio pauca animaduersa: & correcti versus Cæcilij.*

CAP. XXV. *Aliuta. Afferere. Rudente Plauti duum locorum correctio.*

## QVÆ LIBRO III.

CAP. I. *Interdare. Bonis emungi, eluere. Offrenari. Plautus Captiuis emendatus, & si fortè, Rudente.*

CAP. II. *Exsiliij causa solum vertere. Fatiscere. Cicero epistola ad Brutum emaculatus.*

CAP. III. *A se spernere. Virtus. Maculam eluere. Fasti peccare. Plautus Stichus correctus & Ennius apud Nonium.*

CAP. IV. *Actores. Miluina. Externatus animi. Loca lauita. Restitutus Appulcius pluries.*

CAP. V. *Sparti. Tages. Emaculatus Censorinus, & fragmentum L. Attij.*

CAP. VI. *Tentio. Tentigo. Tendere. Mors Aristotelis. uoies Morta. Ex eodem Censorino menda aliquot sublata.*

CAP. VII. *Rata vota. Resignare. Lena. Discingere. Emaculati versus aliquot Martialis.*

CAP. IIX. *Exefficio. Curiosi, prouerbium. Correcta fragmenta Afranij & Neuij: & illustratus Plautus.*

CAP. IX. *Reprehendere. Omnes inimicos repperire, prouerbiũ. Raui. Correctus Plautus Epidico, Terentius Andria.*

CAP. X. *Tempori. Magis magisque. Scuta proiecta. Emaculata fragmenta Sisenna.*

CAP. XI. *Oram orationis adbibere. Ora pro rei initio. Miles Plauti emendata.*

CAP. XII. *De silicernio notata quæpiam. λήχει. Raperere*



INDEX CAPITVM LIB. III.

pere de rogo canam. Bustirapi. Correcta glossæ veteres. & apud Nonium Varro.

CAP. XIII. Mundus. In mundo esse. Satullè. Emaculatus Appuleius: item Plautus Persa, & Gellius.

CAP. XIV. E Quintiliano macule aliquot sublatae.

CAP. XV. Pigmenta. Frumen siue rumen. Frumisci. Ruminari. Irrumare. Varronis fragmenta aliquot correctæ: duo composita.

CAP. XVI. Escendere. Exscendere. Neruias extendere. Cicero, Varro, Festus, Cæcilius emendati.

CAP. XVII. Flectere comam. Prata. Candida. Trita. Colere. Emaculata multa in Martiale.

CAP. XIX. Riuales. Luna aquulenta. Varro apud Nonium correctus.

CAP. XIX. Βῆς ἐν πόλει, prouerbiū. Despectare. Hiscere. Martialis emendatus.

CAP. XX. Carmen. Carminare. Plautus emendatus Menæchmis.

CAP. XXI. Tria Varronis fragmenta apud Nonium composita.

CAP. XXII. Martialis aliquot locis emendatus. Biuira.

CAP. XXIII. Pompa. Nihil amare. Cassa specula, terricula. Mulo infcitior. Muli. Cistellaria Plauti explicata, emendata.

CAP. XXIV. Duūm item locorum in Plauto correctio.

CAP. XXV. Exigere. Defendere pro arcêre. Auêre. In Martiali versus aliquot emaculati.

IANI



I

IANI GVLIELMII  
VERISIMILIVM  
LIBER PRIMVS.

CAPVT I.

*Misargyrides. Plautus Mostellaria emenda-  
tus locis tribus.*



EPIDE ludunt Comici in persona-  
rum nominibus ad rem quã repræ-  
sentant accommodatè excogitandis:  
& plerumque illi quidem iis quæ co-  
gnatione quadam cum re cohèrent,  
interdum tamen & contrariis quàm  
res poscat confingendis, ludos vrbanißimos faciunt.  
Ita Plautus Persa parasito nomen fecit Saturioni, cui  
venter numquam non creparet inedia, planeque e-  
furio, vt ipsemet ait, esset: non saturio. Simile com-  
mentum excidisse suspicor Mostellaria, Scæna Scele-  
stiolem ego annum.

——— Hic it ad me. saluus sum,

*Spes est de argento. TR. hilarus est frustra isthic homo,*

*Saluere iubeo te mi Saturites benè.*

Mouet me, quod in suis libris inuenit doctissimus  
Camerarius, *mi saturites*: quibus coniunctis & leui-  
ter immutatis lego, *Saluere iubeo te Misargyrides benè*.  
Primùm proximè ductum scripturæ veteris: tum ve-  
nustè arbitrabar ἀντιπαρὰ & argenti-odum, qui ita  
lucellum inhiaret, vt vel os sibi verberari pugnīs, mo-  
dò argenteis, facile pateretur. Postremò in Adelphos  
Terentij Donatus liquidò confirmat Misargyridem

A

trape-



trapezitæ Plautini nomen esse, quem frustra alibi quæras, si hunc quem reprehendi amiseris. Eadem Scæna, Serui qui cùm.

*Vide sis ne fortè ad merendam quopiam deuorteris,  
Atque ibi meliusculè quàm sat fuerit biberis.*

Malim legere: *Atque ibi ne plusculè.* Mox:

*Ita dico, ne ad alias adis perperam deueneris.*

PH. Scio quàm me ire oportet & quò venerim: noui loqui.

Hæc ut alij explicent, non me fugit: sed verius existimo perperam vulgari, corrigendumque esse:

*Scio quò me ire oportet, & quò venerim noui loci.*

Locus, loquus; ut cocus coquus, secor sequor, alia promiscuè scribebant: & παρέλκον elegans est, simile istis: vbi loci, huc locorum, huc viciniae. Terentius:

*Interea mulier quedam ab hinc triennium*

*Ex Andro commigrauit huc viciniae.*

Ita interpretet vetus, quem sequi quàm Nonium multò malo. Sic enim & Plautus Mercatore:

*Vt isthuc est lepidum! proximè viciniae*

*Habitat.*

Probat emendationem meam & hoc quod subiicit statim, quò venerit:

*Philolaches hic habitat, cuius est pater Theuropides.*

## C A P V T I I.

*Habe tibi res tuas. Duùm locorum Afranij apud  
Nonium correctio.*

VI M negotij hominibus eruditis offudit Nonius: dum optimis scriptoribus admutilandis mendorum segetem serit ita vberem, ut ei ne cum Theseo quidem Hercules extirpandæ futurus videatur. In ea nos quoque non inutiliter laborasse,

*Sperat*



*Sperat quidem animus, quò eueniat diis in manu est.*

In Vaser.

*Afranius Diuortio. Qui coner noctu clanculum brusire dotem ne remittas vaser, honestè vt latites & nos laudas diutius.*

Intricarunt hæc plerique, dum nodum in scirpo quærunt: extricauit, quod sciam, hæctenus nemo. Lego:

——— *qui conere noctu clanculum*

*Rus ire, dotem ne repromittas vaser:*

*Honestè vt latites, & nos ludas diutius.*

Argumētum fabulæ ex titulo vidēre est fuisse de discessione coniugum: in ea dos reddebatur vxori iure Romano: id ex veteri formula notum, *HABE TIBI RES TVAS*: ad quam allusit Philippica I I. Cicerō. *Illam suas sibi res habere iussit, ex duodecim tabulis: clauēs ademūt, forāsque exegit.* Apuleius Milesiarum tertio: *Tu quidem, inquit, tibi istud tam dirum facinus: confestim toro meo deuorte: tibi que haberes tuas.* Porro vt spondebant, promittebant; ita respondebant, repromittebant præsentes. hoc itaque insimulatur maritus, rus cogitare, ne dotem repromittat.

In Coniicere.

*Afranius Incendio. Seruus est mihi Nicasio sceleratus curiosus is cum filio ei conicere ad nescio quid de latriuncula.*

Hæc in versus repono, & emaculo, cumq. alio loco, quem laudat idem Nonius in Concedere, ita cōparo:

——— *Seruus est mihi Nicasio*

*Sceleratus, curiosus; is cum filio*

*It conicere hac nescio quid de latriuncula.*

*Atque eccum incedit, hōc procul concessero.*

It conicere est parat conicere, vt Terentio *It visere.* in libris fuisse videtur. Eit ἀρχεικός: quod postea loco corrumpendo fuit.



*Insignis M. Varronis sententia correctâ. item Plautus, Terentius, Ovidius leuiter.*

M. VARRONIS doctissimam sententiam aliis frustra tentatam nuper mihi persanasse visus sum apud Nonium in Calx,

*Nemini fortuna currum à carcere intimo missum leui*

*Inoffensum per equor candidum ad calcem subit.*

Emendationem meam subiiciam, rectè an secus existimatio erit doctorum: sic igitur in septenarios repono.

*Nemini fortuna currum missum à carcere intimo*

*Labi inoffensum per equor candidum ad calcem finit.*

Nocuit huic loco, quod innumeris aliis bonorum scriptorum, ignoratam diu fuisse cognationem V & Blitterarum. Cùm ergo in veteribus *lani* esset, quod erat *labi*: isti correctores *leui* fecerunt: quem errorem commissum etiam suspicor eiusdem Varronis *νομοτοριῶν ἢ περὶ φθορᾶς λόσμε*, quem locum adscribam, compositum à me cum fragmento altero, quod eodem libro idem Nonius conseruauit, vt emendandum existimo,

*Propter cunas capulum positum est,*

*Nutrix tradit pollinctori.*

*Detis habenas animæ labi,*

*Dum ventus nos flamine sudo*

*Suauem ad patriam perducit.*

Versus sunt anapæstici dulcissimè facti. tertio vulgar-  
tur, *animæ leui*: mendosè opinor. labat enim versus:  
& tamen si quis contra tendet, pertinax heic non  
sum. Eadem causâ næuum adspersit versui Plauti-  
no, Trinumo:

*Si ani-*



LIBER PRIMVS.

*Si animus hominem perpulit, actum est: animo seruiuit, non sibi.*

*Si ipse animum perpulit; dum viuit, victor victorū cluct.* Verum enim est, *seruabit.* antiquè, vt *audibit.* Si, inquit, semel animo indulseris, ætatem illi seruitutem seruies. Porro *sinit* scripsi, vt versus constet: potuissim *sint*; sed dixisse veteres *sini*, quod nos enuntiamus *siui*, notum est. id etiam in Terentio fuerat, *Andria*:

*Dum tempus ad eam rem tulit, sini: animum vt expleret suum.*

sic enim ms. Colonienfis: absque quo esset, potuisset nos vel Donatus monuisse de mendo. ait enim antiquè dictum; tum aliter vsurpari Adelphis, *Non sinit egestas facere nos.* In vtroque frustra erit, si publicatos libros sequare. *Sinit* igitur cū esset in Nonio, imperiti mutarunt in *sinit*, aut quod idem est, & in vetustis editionibus exstat, *sibit*: vnde porro subiit istud *subit*. Neque mihi dubium est, quin respexerit huc *Quidius Tristibus*:

*Nam pedē inoffenso spatium decurrere vitæ*

*Dignus es, & fato candidiore frui.*

ita libri scripti. vulgò, *procurrere*: ineptissimè. At illo modo Cicero Catone: *Quasi decurso vitæ spatio ad carceres à calce renocari.*

CAPVT IIII.

*Bona scaua. Penitet. Priui custodes. I modo. Pessum ire, premere. Plauti Pseudolus multis locis emendata, vno Mostellaria.*

PLAUTI Pseudolus quod habet in editionibus vulgariis: *Studete hodie mihi, bona in scenam adfero, Nam bona bonis ferri reor æquum maximè.*

A 3

Viti



Vitio librariorum corruptum cenſeo, pollulâq. mutatione legendum, *bonam ſcœnam*. vt hoc dicat, auſpicatò ſiue bono & liquido auſpicio in ſcœnam ſe progredi. nam & ludi auſpicatò & bono cum omine committebantur, & aliter ſi fieret, inſtauratiuis opus erat. Bona ſcœna idem quod auſpiciũ bonum. hac fabula infrà:

*Benè ego ab hoc prædatus ibo, noui: bona ſcœna eſt mihi.*

*Scœna Pſeudole non:*

*Metuunt credere omnes. B A. eadem eſt mihi lex, metuo credere.*

*P S. Credere autem? eho, an pœnitet, quãdo hic fuerit vſui? Leuiter corrigo, quanto hic fuerit vſui. Muſæum planè loquendi genus, pro eo quod eſt, Videtúrne tibi parum fuiſſe vtilitati & lucro. Terentius:*

*At enim (dices) me qu inrum heic operis fiat pœnitet.*

*M. Tullius proœmio Officiorum: Tam diu autem velle debebis, quoad te quantum proficias non pœnitebit. Exempla ſimilia paſſim obuia. Scœna Forum coquinum:*

*Item his diſcipulis prius cuſtodes dabo.*

*Non certius vixiſſe Plautum, quàm eundem ſcribiſſe, prius cuſtodes dabo. idque vincit ipſa orationis ſeries. Priui vetuſtè, qui nobis ſinguli. Lucillius:*

*Culcitulæ accedant primæ centonibu' binis.*

*Scœna Vox viri peſſumi.*

*S I. quid lubet? pergin vuctare in os mihi? P S. ſuauiſ ructus eſt mihi, ſic ſine modo.*

*Posteriora Nonius laudat, ſic ſine ſi modo. emaculandum ſuſpico, ſic ſine: i modo. Ea enim cum faſtidio à ſe quempiam reiicientis formula eſt Comicis vſiſſima. Sticho:*

*Nefcio quid vero habeo in mundo. E P. I modò;*

*Alium conuiuiam querito in hunc diem tibi.*

*Eadem*



Eadem Scæna paullò pòst:

*Sed Simo vt probè tactus Ballio est! quæ tibi dixi*

*Effecta reddidi. s i. derides? pessumus homo est.*

Inclinat animus credere, scribisse poëtam, pessum is homo iit. Pessum ire, perire est: vt pessum dare, perdere: & in eadem significatione, pessum premere. Mostellaria: *Istum pro suis factis pessumis pessum premam.* Ducta translatio est à re maritima: argumento est locus Cistellaria:

*Maritumis moribus mecum experitur, ita meum frangit  
amantem animum,*

*Neque, nisi quia miser non eo pessum, mihi vlla abest  
Perdito perniciēs.*

Sine figura vsurpauit Rudente:

*Nunc eam cum nauì scilicet abiuisse pessum in altum.*

&c, nisi admodum fallor, Mostellaria quoque, Scæna  
Melius anno hoc:

*Sed Simo, ita nunc ventus nauem nostram*

*Deferuit. s i. quid est? quo modo pessimè potuit*

*Quæ ne subducta erat tuto in terram ante hac?*

Lego enim, quo modo pessum ire potuit. Non potest, inquit, vt submersa vobis nauis sit, quam in terram dudum subduxistis. Et confirmat correctionē meam, quod subiicit mox Tranio:

*Venit nauis nostræ quæ frangat ratem.*

## CAPVT V.

Hendecasyllabi poëtæ veteris apud Isidorum maculosissimū  
nitori suo restituti.

FATENDVM est: nimium amo antiquorum hominum ingenia, multo quæ lubentius pascō auiditatem meam relinquiis eorum quantum libet ambecis



blattarum, &, qui non minus infesti iis, emendatorum dentibus; quàm luculentis cœnis vbique nunc scripturientium. Itaq. cùm incidissẽm nuper in bellaria nescio cuius poëtæ, temperare mihi non potui, quin vt defacanda arbitrarer sententiam meam delicatis conuiuatoribus proponerem. Sic igitur Isidorus Etymologici libro xix. cap. xxxi.

*Thynius (anulus) purus est, primum in Bithynia fabricatus, quam olim Thyniam vocabant. Flaccus: Lugente mea vita nec smaragdos beryllōsque mi Flacce, nec nitentes per candida margaritas quero, nec quos thynica lima perpolibit anulos nec Iaspis capillos.*

Hos versus cuiuscumque sunt: nam Flaccus ille qui laudatur irrepsit ex ipsis versibus, & propè est vt cum viro docto C. Cilnij Mæcenatis in Horatium esse credam: sed cuius cuius sunt, ita emaculatos à me non pessimè arbitror:

*Lugens te, mea vita, nec smaragdos  
Beryllos neque, Flacce, nec nitentes  
Semper candida quero margaritas  
Nec quos Thynica lima perpoliuit  
Anellos nec Iaspis lapillos.*

Notus mos Romanorum ponendi in luctu anulos venustissimè tangitur: hoc animaduerso sententia non obscura est. Margaritæ nitentes semper candida, sunt candidæ, vt Virgilius dixit, *Crebra ferit*, pro crebrò. Bithyniam olim dictam Thyniam, notum ex multis auctorum locis. verius tamen fortasse sit, ita partem dumtaxat eius nominatam, cui rei auctor Ammianus, qui libro xxi. in Mariandenam & Thyniam eam distributam memoriæ prodidit.

CAPUT



## CAPVT VI.

*Obserere beneficia, pugnoscere. Serere fallaciam. Bitere & bitare. Attij fragmenta aliquot correctæ, & Plautus Pœnulo.*

L. ATTII principis Latinæ tragædiæ fragmenta quædam, apud Nonium corrupta, hoc capite, quod potero, redintegrabo.

*In Fors & Fortuna.*

*Attius Andromeda. Multi iniquo mulier animo sibi mala auferre in malis, quibus natura praua magis, quàm fors aut fortuna obsuit.*

Vnius verbi vitio labat sententia. pro auferre ms. agnoscit, *ausere*: idque rectum est. Ausi & auxi, vt ninsi & ninxi promiscuè vetustissimi: quare hæc in septenarios recolligo:

*Multi iniquo, mulier, animo sibi mala auxere in malis,*

*Quis natura praua magis quàm fors aut fortuna obsuit.*

Erudita sententia est, & quæ non longè abit ab Heracleiti illo, ἢ δὲ ἀνδρῶν τε δαίμων.

*In Seges:*

*Idem Andromeda. Quod beneficium haud in sterili segete te obesse intellegis.*

Iunius tentat legere, *locasse*: ego præstare audeo verum esse, *obesse*. Obserere beneficia, peruenustum est. variè enim transfertur id verbum. Plauti Menæchmis aliò:

*Hisce ego nunc semetem in ore faciã, pugnoscque obseram.*

Ita Pœnulo serere lites dixit, & serere fallaciam. sic enim lego hos versus, Scena prima.

*Abeamus intrò, vt Colabiscum villicum*

*Hanc perdoceamus vt serat fallaciam.*

Vulgarij libri omnes, *serat*. inficetè. At nostrum illud præterquam quòd vsitatissimum loquendi genus,

A 5

etiam



etiam iocum ex ambiguo, more Plauti, captat. de villico enim sermo est.

In Gracilitudo.

*Attius Amphitruone. Tamen ista tua gracilitudo & luctus facit, ne dubitem.*

Lego, *ne diu bitem*. Bitere & bitare veteribus fuisse quod nobis ire, nemo nisi fungus in his litteris iam nescit. Quia, inquit, imbecillè te video quàm ab animo quàm à corpore non defetigabo amplius multa itione.

In Specis.

*Attius Alcmaeone. Quod dii interdum inferum penitus depressum altis clausere specis.*

Suspitor anapæsticos fuisse, itaque rectè à me enaculatos:

*Quod dii interdum infernum penitus  
Depressum altis clausere specis.*

Scio enim descensiones istas heroum ad inferos sole occaso semper fuisse, reditusq. ante eundem ortum.

## CAPVT VII.

*Tubuli. Animi angi. Pretio vincere. Cicero Verrinis aliquantis locis emendatus.*

M. TVLLII his libris pauca admodum attingere decreui. alterius enim erit & temporis & loci, studiosis harum litterarum impertiri ea, quæ in optimum hunc linguæ Latinæ parentem notata habeo. Labet tamen interspergere nonnulla quæ gustum quemdam ceterorum exhibeant: sic nimirum, ut cum

— *ficos propola recentes*

*Protulit, & pretio ingenti dat primitum paucos.*

Libro accusationum quarto acerbè & grauitè infectatur scelus Verris, qui suam in iudicando fidem &

reo



reo & actori flagitiosissimè pecunia addixisset. *Quem,* inquit, *mibi tu Bulbum, quem Stalenum, quod vniquam huiusmodi monstrum aut prodigium aut audiuius aut vidimus, qui cum reo transigat, post cum accusatore decidat?* In quibus verbis quem dicat Bulbum nescio, ac mea sententia ne alij quidem vlli; nihilque certius est lectione libri veteris, quem mecum communicauit vir clarissimus Io. Metellus, *Quem mihi Tubulum.* Eiusdem pro Scauro meminit, apud Asconium. *Si mehercule, Iudices, pro L. Tubulo dicerem, quem ex omni memoria sceleratissimum & audacissimum fuisse accepimus.* Fuerunt ij Tubuli gentis Hostiliæ, & mentio est, si quid fortè hoc ad rem, C. Hostilij Tubuli prætoris apud Liuium libro x x i x.

Ibidem paucis interiectis.

*Quæ posteaquam iste omnia abstulit alia rogando, alia poscendo, alia sumendo, ferebat Stenius vt poterat,angebatur tamen animi dolore necessario.*

Conatus huic loco mederi Lambinus, etiam magis corripit: sed venustissimè idem liber, *angebatur animi necessario.* Sic Epidico Plautus: *Absurdè facis qui angas te animi.* Et eadem fabula, *excruciari animi, desipere mentis, sermonis falli,* idem dixit.

Aliquanto inferius:

*Quicumque senator voluerit fieri quamuis puer, quamuis indignus, quamuis ex eo loco ex quo non liceret: si is pretio apud istum fieret idoneus, vt vinceret, factum esse semper.*

Et hic locus glossemate inquinatus, in ms. erat, *si is pretio apud istum idoneus vinceret.* Idoneus ἀρξαικός pro idoneos. hoc mutato constitutus locus est: ita paullò infrà: *Fit vt pretio nouus vincat, litterasque à prætore auferat.* Curculione Plautus:

*Si amas,*



*Si amas, eme, ne rogitēs: facito vti pretio peruincaſ tuo.*

*Aliquanto poſt:*

*Is quod videbat iſtius cenſum ſtare nullo modo poſſe, eum cenſum obſervare iuſſit.*

*Liber ſcriptus, iſtius cenſus ſtari. Scribo litterula detracta, cenſu ſtari: hoc eſt, in iſtius cenſu perſeuerari. pro Flacco: Prætor actionem ſe daturum negavit: re iudicata ſtari oſtendit placere.*

### CAPVT IIX.

*Vita familiaris. Lubens. Lubentia, Plauti Perſa duum locorum reſtitutio.*

*SCÆNA, Omnem rem inueni.*

*Marfupium habeat, inibi paullum præſidij,*

*Qui familiarem ſuam vitam oblectet modo.*

*Lego, oblectet domi. Familiarem vitam eam ait, quam domi à nemine vocatus agat: ita paraſitus Captiuſ:*

*Neque vniquam quidquam me iuuat, quod edo domi,*

*Foris aliquantillum etiam quod guſto id beat.*

*Eadem Perſa, Scæna Hoſtibus victis.*

*Statuite heic lectulos, ponite heic que aſſolent: heic ſt atui volo primùm aquulam mihi*

*Vnde ego omnis hilaros, ludentiſ, latificantis faciã vt fiãt.*

*Quorum opera hæc mihi facilia factu facta ſunt, que volui effici.*

*Nam improbus eſt homo, qui beneficium ſcit ſumere & reddere neſcit.*

*Lepidiſſimi, ita me Muſæ ament, verſus; ſed perobſcurus ex iis ſecundus, ob inſolentiam formulæ, faciam hilaros vt fiant; elegantis tamen, & in vno Plauto locis ſexcentis obuiæ, accuſandi caſu pro nominandi poſito. Nos exemplo vno contenti erimus, Epidico:*

*Si in-*



*Si inuenio, exitiabilem ego illi faciam hunc vt fiat diem.*

Hoc primùm noto: tum leue ex eo mendum tollo. Pro ludentis enim reponendum haud dubiè, *lubentis*: quod conuiuij verbum proprium est, cùm frõte iam exporrecta iocandi & sese exhilarandi cuique lubido est. Adelphis Terentius:

*Hilarem ac lubentem fac te in nati nuptiis.*

Inde Gellio *lubentia* conuiuiorum sunt laetitiae, & quæ vltro citro reciprocant inuitationes. lib. x v. cap. ii.

*Cui lubentia gratiaq; omnes conuiuiorum incognita sunt.* Apuleius de Asino primo: *Lectulo refoueo, cibo satio, poculo mulceo; iam ad lubentiam procliuius est ioci & scitum est cauillum.* Hinc lubentes pro latis & hilaris, & ipsa hilaritas lubentia dicitur, Asinaria:

*Vbi ego nunc Libanum requiram aut familiarem filium;*

*Vt ego illos lubentiores faciam quàm lubentia est.*

Et Sticho. Itaque onustum pectus porto latitia lubentiaq. Cetera, vt arbitror, bene habent: hac totius loci sententia. iubet Toxilus lectulos statui, cyathos, vinum, cetera quæ assolent, in primis caldam temperando vino adponi: vt lubentia & hilaritate impleat omnes, quorum opera fallacia ex sententia successerint. placere enim sibi, vulgò quod dicitur, ingrato nihil quidquam esse improbius.

## CAPVT IX.

*Truones. Silus. In Festo pauca animaduersa.*

A P V D Festum in voce Stolidus versus Ennij publicatur:

*Nam vidi pugnare suos stolidi soliti sunt.*

Vbi in mss. fuisse viri docti indicant, vide. Diuisa voce re-



ce restituo: Nam vi depugnare. Apud eundem Sentes.

*Afranius Abducta. Quàm senticosa verba pertorquet turba.*  
Mutant viri docti in, lupa: ego propius scripturæ veteris ductum, pertorquet truo. Truones vulgi scomma in enormis nasi homines. Cæcilius:

*Prò dū immortales! vnde prorepsit truo?*

In Silus.

*Silus appellatur naso sursum versum repando.*

Malo lectionem libri scripti Colonienſis, *nasus sursum versus & repandus*. A ſilo enim denominati ſilones, vt à naso naſones, à mento mentones, à dorſo dorſones.

#### CAPVT X.

*Videri ſcribendum ſaltim, non, vt vulgo, ſaltem. Illuſtratus Gellius libro XII. cap. XIII.*

QVÆRIT ſcriptor Atticarum Noctium de ſignificatione & origine particulæ SALTEM, & recenſet ille quidem duas opiniones hominum, vt apparet, ingenioſorum: ſed idem tamen argutias iſtas acutas quam veri ſimiles iudicat, pronuntiatque amplius. Ea de re vt certi quid ſtatueret & diſſinire, temerarium; ita fortè non reprehendendum, ſententiam meam timidè & verecundè oſtèdere, iudicium relinquere doctioribus. Semper enim ita exiſtimaui, errore fieri peruulgato & hoc tempore; vt ſic dixerim; catholico, quòd id verbi ſecunda vocali & ſcribatur & pronuncietur: cū recta & legitima ſcriptura videatur eſſe per tertiam. Auctores habeo libros manu deſcriptos, è quibz optimus quiſque & vetuſtiſſimus agnoſcit, SALTIM: nonnulli etiam inductum & repositum quod nunc terimus habēt. mihi ſic vſu venit; neque dubito quin & aliis. Deinde  
ex hoc



ex hoc analogiam eruebam; ex illa significationem. ut enim à supinis raptu, cursu, sensu, recessu; raptim, cursim, sensim, recessim: eodem planè modo descēdit à saltu, saltim: & ut in illis primigenia significandi vis residet; ita eadem in hoc non obscura est. Adhibetur enim in oratione, cū ea quasi saltu quodam ab iis quæ antecesserunt subitò præcipitat, & finit in extremum aliquod. Parcā adscribere exempla. sunt enim sexcenta tanta in promptu, neque in iis vllum, in quo non hæc transiliendi siue transitio- nis, ut Rhetores loquuntur, vis eluceat. Quòd si quis neque libris acquiescit, nec Etymologiæ concinnitati, at ille Priscianum saltim audiat: qui enumerans aduerbia in E M verbum de hoc nullū, postea subdit. *In I M & denominatiua inueniuntur & verbalia & participialia: ut à parte partim, à viro viritim, à vice vicissim, à statu statim, à raptu raptim, à saltu saltim & saluatim.* Vbi quin intellegat, quod nos vulgamus S A L T E M, dubitare nos res non patitur. Qui vetustatem obiiciet scripturæ iam inde à Gellij ætate vsitata, sciat iam tum pleramque maiorum consuetudinem quā scribēdi quā loquēdi mutauisse, id quod vel ex ipso colligere est: viderique eius addubitatione errorem inualuisse, cū, quod ille hesitanter posuerat, Grammatici temere sequerentur. indicio est Donatus, siue quis alius est in Adelphos Terentij: *Saltem, inquit, τὸ ἔχατον. natum est autem à captiuis, saltem, qui nihil aliud præter salutem à victore petunt.* haud dubiò ex Gellij loco. Hac in sententia magis confirmatus sum, postquam probari eam sibi mihi significauit eruditissimus amicus meus Fr. Modius; qui etiam P. Pithæum ita in suis libris perscriptam hanc vocem repperisse, ostenso eius ad Sidonium Apollinarem



narem loco, me docuit. Si quis tamen melius quid attulerit, eum libens meritò sequar.

## CAPVT XI.

*Pergula. Creta in toga candidati. Insipare. Pædidum. Pomponius apud Nonium restitutus pluries.*

ARCESSAMVS Pomponium quoque ad has *κρίτης & ἰώτης* nostras, & malè accepto ei à mutilatore Nonio si quid in nobis opis est ne denegemus. Primum, quod adducitur in Suppilare:

*Pompon. Sarcul. Alteram apportat, prodigit, patrem suppilat semper.*

Haud dubiè rectè emaculo, *Alter amat, potat.* Origo mendi è distractione syllabarum, *Alteram atpotat.*

In Taxim:

*Pompon. Buccon. Clandestino tacitus taxim perspectui per cantum.*

Iunius in ms. inuenit, *perspectui periculum.* Emendo, *perculum.* Percula siue pergula, vt Glossæ explicant, *ὑπερῶν περὶ δίκην α.* Plinius x x i. i i i. l. Fulvius argentarius bello Punico secundo, cum corona rosacea interdus è pergula sua prospexisse dictus, ex auctoritate senatus in carcerem ductus non ante finem belli emissus est.

In Ominas.

*Pomponius Cretula. Nil petituræ bene eueniat. Ita sit, & tibi bene sit, qui rectè ominas.*

Editio vetus Veneta, *Cretula vel petituræ.* Scribo, & meo quidem animo verissimè, vel *Petitore.* Scribit hanc fabulam, vt è titulo colligo, de candidato magistratum ambiente: idè Petitorem inscribit, quod peti in magistratus propriè dicitur; & Cretulam, quod qui petebant creta rogas suas candefaciebant, vnde  
candi-



candidati ducta appellatio est. Præterea cognomine hanc distinguere voluit ab illa, quæ *Petitor Heres* inscribitur. Iam sententia fragmenti clara est, esse verba bene precantis candidato, & illius respondentis.

In Feruit.

*Pompon. Fullone. Facite vt ignis seruat, ligna instipite, far concidite.*

Rectum est, *insipite*. Insipare est iniicere: vt obsipare, obiicere & aggerere. Plautus: *Obsipat aquulam*. Vt autem sonare, sonere; tonare, tonere: ita insipare, insipere promiscuè inflectebant. Pomponius alibi: *Partem insipui, conclusi, condepsui*.

In Intybos.

*Pompon. Placentia. Rustici edunt libenter pedibus tristes, acres intybos.*

Scribo, *pedidos, tristes*. Pædidum quod fætet & grauis odoris est, vt omnes nôrunt.

## CAPVT XII.

*Notatum prouerbium, Ossa atque pellis. tum Virgilius, Ouidius, Plautus emendati.*

P. VIRGILII versum Bucolico tertio libri publici ad vnum omnes ita legunt:

*His certè neque amor caussa est vix ossibus herent.*

à sententia non multum, à verborum & interpunctionis venustate abductum longulè. Scribo enim:

*His certè (neque amor caussa est) vix ossibus herent.*

Auctor mihi perspicuis verbis in Terëtij Eunuchum Donatus: *Hi hicc, his hisce, nominandi casu numero multitudinis promiscuè vsurpabant*. His ergo hoc loco hi est. Postea trita Latinis auribus formula est, *amor caussa est*. Et sic Cicero Lælio: *Valetudinem caussa non mæstian*

B

tians



tiam fuisse. Et reducit hic versus mihi alterum in memoriam P. Nasonis non dissimilis sententiæ:

*Si petra est, Veneri similis; si flaut, Minervæ;*

*Sit gracilis, macie quæ malè visa sua est.*

Emendo versu posteriore, *macie quæ malè visa sua est.* Vt enim Maro, vix herere ossibus; ita hîc Naso, malè niti macie siue macilenta cute dixisse videtur, siue potius, nisi me meum fallit somnium, dixit; de ea, quæ, ut verus verbum est, *ossa atque pellis tota esset.* Vetus verbum dico, quod *παροιμιῶδες* iactatum id fuisse in macilentos è Plauti locis duobus colligebam. Captivæis:

*Macesco, consenesco, & tabesco miser,*

*Ossa atque pellis sum miser à macritudine.*

Ita rectè ms. Langij: malè vulgo *miseræ macritudine.*

Aulularia:

*Volo ego ex te scire, qui sit agnus curio.*

E V. *Qui ossa atque pellis totu'st, ita cura macet,*

*Quin exta inspicere in sole etiam vino licet,*

*Ita is pellucet quasi laterna Pœnica.*

### CAPVT XIII.

Notatum item prouerbium, *Vipera est in veprecula. Cacabus.*  
*Illustratus Virgilius, & Cicero pro Sextio.*

EODEM Bucolico leguntur hæc ab omnibus:

*Qui legitis flores & humi nascentia fraga*

*Frigidus, ô pueri fugite hinc, latet anguis in herba.*

neque tamen occultius quidquam subesse vlli interpretum suspicati sunt. Mihi numquam dubium fuit, quin poëta ad paræmiam quamdam respexerit, & fortasse eam qua vulgò ferebant, viperam esse in veprecula: de periculo graui & inopinato. Eum  
adagio-



adagionem apertè extulit Pomponius:

*Dide, cedo cacatum. vipera est in veprecula.*

Prima verba videntur mendosa, & conabar legere, *Dide, cedo cacabum*. Cacabus enim vas in quo pulmentarium coquitur: sed abstineo. Respexisse autem huc Virgilium vincit, quod fragorum meminit, quæ in vepretis ferè leguntur. Significat idem verbum M. Tullius pro P. Sextio: *Quoniam id etiam fatum ciuitatis fuit, ut illa ex vepretis extracta nitedula remp. arderet*. E re nata mutauit argutissimè. nam sic cùm audiretur, vipera è veprecula, de eo qui & vehementer nocere posset, & de improuiso, cauerique ideò vix posset: ille nitedulam ex vepretis appellat, qui nocere velit magis quàm possit, cauerique non magnopere debeat.

## CAPVT XIV.

*Votitus. Tamenetsi. Nullus pro non. Casina prologo versus, item alter ipsa in fabula restitutus & Terentius Andria.*

CASINÆ Plauti qui præponitur prologus elegans mehercule & perurbanus est, dignusque qui eo loco legatur. in eo versus hic in libris paullò vetustioribus omnibus ita concipitur:

*Aures votiue si sunt, animum aduertite.*

Primus Lambinus, ut nos credere vult, illud *votinas* parum huc conuenire animaduertit, mutauitque in *vacinas*, ad exemplum illud Plauti Pseudolo:

*Faxis vacinas Pseudole ædis aurium*

*Mea ut migrare dicta possint quò volo.*

à quo dissentio. Neque enim, ut heic quidem vsurpatur, iocus acuti quidquam habet, ut illo quem modò posui loco, adductis quæ ad eandem translationem faciunt aliis. & quorsus tandem si aures vacinas



habeant non eas aduertere iubet, sed animum; quasi pœnitêret verborum antecedentium. Itaque vide ne verius sit:

*Aures votitæ si sunt animum aduertite.*

Votitus qui voto quo minus quid faciat impeditur.

Asinaria:

*Nolo habêre illam caussam & votitam dicere.*

Lepidè igitur histrio: si, inquit, voto tenemini quo minus auribus mea dicta vsurpetis, at vos animo ea vsurpate. Lufit nimirum in eo, quod immobiles homini natura aures dedit, vt eæ aduertere non possint: at animum aduertere vulgatissimum loquendi genus. hoc igitur agere eos iubet.

Eadem fabula, Scœna Si sapitis.

*Qui amat tamen hercle si esurit nullum esurit.*

Immuto leuiter, sed, quod ausim præstare, verò:

*Qui amat tamen hercle etsi esurit, nullus esurit.*

Tamenetsi probum & antiquæ notæ verbum hîc in tmesi cùm esset, propè euanuit. Id reponendum etiam in Terentio, Andria: *Nihil audio*

*Ego te commotum reddam.* DA. *tamenetsi hoc verum est.* Ita enim optimum fragmentum Colonienſe, quod in æde maxima adseruatur. *Nullus esurit, pro non esurit* notum loquendi genus. Pomponius: *Lapathium nullus vescebatur, lardum lurcabat libens.*

## CAPVT XV.

*Varronis duo fragmenta composita. eiusdem Modij argumentum, & indidem sententia adducta expressa de Plauto.*

VERE hoc vulgo dicitur *εἴματ' ἀνὴρ*, meritòque doctissimi viri semper monuerunt, fugiendam in vestitu ineptam leuitatem. in iis togatorum eruditissimus



inus Varro, cuius super hac re sententiam, quæ Meleagris eius heferat, ex Nonij duobus locis à me compositam huc adscribam:

*Non modò furis apertis, sed penè natibus apertis ambulas:  
cùm etiam Thais Menandri tunicam habeat ad talos  
demissam.*

Notat schema vestitus nostro seculo non insolens: vbi & hoc noto, vidèri politissimum virum more suo alludere ad locum poëtæ veteris æqualis sui, certè non multo maioris Turpilij, ex cuius Demiurgo hæc adferuntur:

*Apertæ suræ, brachia autem procera horrorem mihi  
Ex corde exsuscitabant.*

Verba sunt, vt apparet, puellæ fastidientis in proco & corpore enormi & deformi habitu. Itaq. sibi eas nuptias odio ac senio esse ait, vt ex eadem hac fabula citat Nonius. Eadem de caussa scribserat Modium, quo, vti ex fragmentis intelligimus, in victu & vestitu reprehendit vtrumque τὸ πλεόντε καὶ τὸ ἐλάττω; probauit, id quod titulus docet, τὴν μεσότητα. Modius enim ipsi planè id est, quod Græcis τὸ μέσον, M. Tullio mediocritas quæ inter nimium & parum est. In quo libro præter cetera memorabile illud & tamquam è tripode Apollinis oraculum; *non eos optumè vixisse, qui diutissimè vixent, sed qui modestissimè*, id est *modicè*. Quis verbis postremis ad Plauti, vt solet, alulfit, Perla:

*Modicè & modestè melius vitam viuere.*

## CAPVT XVI.

*Euripidis Medea locus emendatus, & cum simili Ciceronis compositus.*

EURIPIDIS Medea primore statim fabula ita

B 3

allo-



alloquitur puerorum regionum magister eorumdem  
alumnarum animum.

τίς δ' ἐχὶ θνητῶν; ἄρτι γνώσκεις τόδε  
ὅς πᾶς τις αὐτὸν τῷ πέλας μᾶλλον φιλεῖ.

Cum illa quæstæ esset Iasonem benivolentiæ & pietatis in suos parum meminisse; subiiciens hic, quis tandem, inquit, non idem facit? iam intellegis verum esse vulgò quod dici solet,

*Omnes sibi esse melius malle, quàm alteri.*

Sic enim versum posteriorem interpretatus est Terentius, ut rectè vidit eruditissimus Victorius: idemque præclare priorem ita ut nos scripsimus laudat, à scholiaste admonitus, cum vulgò aliter legatur. Subiicit deinde ille apud Euripidem causarum quasi contentionem, quibus inducti amicos sibi plerique postponent:

οἱ μὲν δικαίως, οἱ δὲ καὶ κέρδους χάριν,  
εἰ τὰςδε γ' Ὀνῆς οὐνεκ' ἐς εἴργει πατήρ.

Quorum versuum priore difficile est ut depellat de sententia iamdudum suscepta, legendum videri, οἱ μὲν διὰ κλέος. Primum vicinitatem litterarum mihi quis cōsideret, & is maximè qui librorum & compendia & ductum ex libris manuscriptis novit: tum ipsam rē putet. Hoc enim, opinor, vulgata lectio sonat, minùs multos quàm debet amare, partim iustè, partim avaritia impulsos. quod & falsum & ineptum est. Falsum, quia si philosophos audias, vix unquàm te magis amabis amico, ut ius amicitiae non migres. ineptum; quod potius opponendi fuissent ij qui iniustè desererent amicos, iis qui iustè; quàm qui avariter. At nostrum hoc quod reponimus huic loco aptissimum, alij, inquit, ambitione acti se amicis antepo-  
nunt,



nunt, nonnulli etiam turpis lucri cupidine: ne tu id tam iniquè feras, si sui amoris causa pater liberos neglegit. Ponit eadem M. Tullius Lælio, ut quosdam scopulos, ad quos multæ multorum amicitia faciant naufragium. Sin autem ad adolescentiam perduxissent, dirimi tamen interdum contentione vel vxoria conditionis, vel commodi alicuius quod idem uterque adipisci non posset. quod si qui longius in amicitia prouecti essent, tamen sæpè labefactari, si in honoris contentione incidissent. Quem ad hunc ipsum Euripidis locum respexisse valdè suspicor: ita eadem omnia utrobique posita, quæ beniuolentiæ rescindundæ sint; ambitio, auaritia, vxoria condicio.

## CAPVT XVII.

*Paccuij versus aliquot compositi de coniectura, & correcti.*

NONIVS in Senium ex Paccuij Peribæ hæc adducit:

*Parum est quod te etas malè habet, ni etiam hic ad malam etatem cruciatum adiungas reticenti*

Hic nemo non videt, mediocriter doctus saltem, litterulam fugitiuam vocis postremæ reprehendendam, ut fiat, *reticenti*. Illud fortasse non item, videri hæc adhesisse aliis aliquot versibus, quos malè diuulso ex Nonij locis quattuor ita compello, ut sic dicam, iterum & compono.

SE. *Lipit cor cura, ærumna corpus conficit.*

N. *Parum est, quod te etas malè habet, ni etiam hic ad malam*

*Ætatem cruciatum adiungas reticentiæ?*

*Ecfare, quæ cor tuum timiditas territat?*

SE. *Mane, expedibo actutū: ibi quod cōtrā rogo Respōdeas.*

B 4

Certè



Certè sententia examussim quadrat, & vt non ita olim coheserint, vtilius tamen heic legentur coniunctè, quàm diuulsè apud Nonium, in Senium, Lapidem, Timor, Expedibo.

Idem, Accusatiuus pro Genitiuo.

*Pacuius Peribœa. Regnum imperator, aeternum morum sator.*

Lego, *Regum imperator, aeternum mœrum sator.* Mœrus pro murus iam tralatitium. Est precationis ad Iouem initium: vt liquet ex his quæ ab eodem Grammatico conseruata non longè à superioribus hecisse videntur:

——— *veniam precor,*

*Petens, vt quæ egi, ago, axim verruncet benè.*

Vicem mantisæ, vt antiqui loquebantur, adiiciam, ad hæc Pacuij quæ ex eodem dramate laudantur à Nonio:

*Nam me perbitered, illis opitularier*

*Quouis exitio cupio, dum prosum modò.*

vidèri respexisse Terentiũ, cùm illa scriberet Andria:

*Ego Pamphile hoc tibi pro seruitio debeo,*

*Conari manibus pedibus noctesque & dies,*

*Capitis periculum adire, dum prosum tibi.*

## CAPVT XIIII.

*Vocare. Vocationes. Emendatus Eunuchus Terentius bis, Stichus Plautus semel.*

TERENTII Eunuchus quod vulgatu;

*Te mihi patronam cupio Thais, te obsecro.*

re-rius in mss. est, & libris melioribus, *cupio*. Vetus enim mos Romanorum tangitur. è plebe homines instituto Romuli, quos vellent è patriciis patronos capie-



capiebant; quorum præsidio & opibus tuti essent: neque fas erat à patrono clientem deserui. auctor Dionysius historiarum secundo. Vel igitur huc respexit, vel vrbanius etiam Chærea patronā capit tamquam nouus libertus eius, cuius se paullò antè seruum gesserat.

Eadem fabula:

*Quæ cum amatore suo cùm canant, ligurriunt,  
Harum vidēre inluuiem, sordes, inopiam.*

Et heic verissimè fragmentum Colonienſe, *Quæ quom amatores vocant, ligurriunt.* Vocare Latinè dici, quod nos vulgò inuitare notū est. in eo emendandus Plautus Sticho:

*Sed generi nostro hæc reddita est benignitas,  
Nulli negare soleo, si quis me vocat.*

Libri omnes. *si quis me esum vocat:* sed istud, *esum*, irrebſiſſe è glossa vel versùs arguit, cui nequiquam medēri conatus est Lambinus. Hinc Catullo vacationes:

*Vos conuiuia lautiora lati  
De die facitis, mei sodales  
Querunt in triuio vacationes.*

eademque Iustino lib. x x x v i i. Hieme deinde imminente non in conuiuio sed in campo, non in vacationibus sed in exercitationibus, nec inter sodales sed inter æquales aut equo aut cursu aut viribus contendebat. Ita enim isthic legendum amicissimus mihi, flos Germaniæ, Palmerius me monuit, cùm publicetur ineptè vacationibus aut aduocationibus. Neque verò in loco Terentij me mouent, mutili isti centones, qui Donati nomen præferunt quòd dissentire videntur. Quis enim non videt ineptissima illis sæpe à nescio qua mala manu adsuta? & hîc quidem lectionem vulgatā interpretationem esse eius, quod ego reposui. Neque versus lababit,

B 5

si rē



si *quom* neque elices & produces: more veterum, qui & consonandi D syllabæ extendēdæ adiciebant.

## CAPVT XIX.

*Aucupare. Quo pro quod. Threces. M. Varro De lingua Latina quarto libro correctus: item Cæcilius.*

ERVDITE M. Varro, vt omnia, libro De lingua Latina quarto, verborum origines ait aut vulgarias esse & populo quoque non planè incognitas; aut Grammaticas, quæ occultiores; aut denique philosophicas & Stoicas, quo difficillimè atque ad eò vix perueniri possit. Itaque se ex opinione magis quàm certa scientia de iis traditurum profitetur. *Quartus*, inquit, *vbi aditus & initia, regis: quo si nō perueniam scientiam ad opinionem aucupabor. quod etiam nonnumquam in salute nostra facit cū agrotamus medicus. Vbi sententia multò illustrior & fortean locus constitutus erit, si legeris: quo si non peruenero scientia, at opinione aucupaber.* Mendi occasio fuit in A D quarta littera perscripto. Aucupari aliquid pro inuestigare Latinis vstitissimum. Plautus Milite:

*Viden tu illam oculis venaturam facere atque aucupium auribus?*

Ita Cæcilio aucupari argētum, est anquirere & in inueniundo eo satagere. Sic enim lego ἀπὸ τοῦ ὀνόματος apud Donatum in Eunuchum Terentij:

—— *Quid tibi aucupatio est*

*Argentum? aut de meo amore verbificatio*

*Patri.*

malè vulgò, *argumentum*. Sensisse autem quod posuimus Varronem indicant quæ non multò pòst sequuntur: *De nostris dicam, cur sint: de alienis, vnde sint; de obli-*



*de obliuio relinquam. quorum partim, quò ita inuenerim, ita relinquam, scribam.* Sic enim ex mss. isthic scribendum, & quò positum pro quod: idque sæpius quàm quisquam suspicatus hætenus est, factum nos alibi docemus. Eodem Varronis libro Ennij versus laudatur:

*O terra trita, vbi Liberi fanum in ciuium muro locaui.*  
mendosè, quis non videt? sed corrigendum censeo:

*O terra Threca, vbi Liberi fanum inclutum locaui.*

Prius à libris, & notum est *Threcas* in mss. esse, quos nos malè mea sententia *Thracas* vulgamus: alterum ex eorundem vestigiis: habent enim, *in ciuium*. vnde factum, vt alij sententiæ supplendæ adiecerint, *muro*: quod hîc tam conuenit, quàm in tragœdia foccus. At constat religiosissimè Bacchi orgia apud Threcas celebrata, eaque de re pleni veterum libri, ne à me exempla expectes.

## CAPVT XX.

*Præsidium pro viatico. Emendata Plauti Pœnulus.*

PLAUTI Pœnulo in illa affabrè adornata fallacia, qua leno in plagas Agorastoclis compulsum est, hî versus leguntur. Scæna, iam isthuc ego reuortar.

*Immo vt ipse nobis dixit, quo accures magis,*

*Trecentos numos Philippeos portat, præ sibi.*

De subornato illo Spartiata sermo est, quem aiunt vnde nequam faciat aurum habere. Sed inibi quid sibi volunt obsecro ista, *præ sibi*? nam ego quidem iuxta cum ignarissimis scio. Vide tamen si commodè in mentem venit, malè dissiluisse syllabas, scribendumque esse:

*Trecentos numos Philippeos portat præsidij.*

Præsidium eleganter pro comæatu siue viatico posuit,



fuit, quod fami arcendæ sit: vt & Sticho:

*Cynicum esse egentem oportet parasitum probè  
Ampullam, strigilem, scaphium, soccos, pallium  
Marsupium habeat, inibi paullum præsidij,  
Qui familiarem suam vitam oblectet domi.*

Portare igitur numos præsidij, est in comeatum & sumtum secum ferre. Eadem fabula, Scæna Satis spectatum est.

*Ibo intrò, hæc vt meo hero memorem. nam huc si ante  
ædis senocem.*

Corrige, ante ædis euocem. Paucis pòst versibus:

*Nam & hoc nocte consulendū, quod modò concreditū est.*

Mirum, fugisse plerosque leuissimum mendum: lege, *Nam & hoc doctè consulendum.* Nihil huc nox facit, & docta consilia, docta dicta, docti doli, semper Comicis in ore & sermonibus.

## CAPVT XXI.

*Pecua præcia. Præcia. Species luminis. Specere. Attij fragmenta multoties emaculata apud Nonium.*

E naufragio scriptorū L. Attij quasi tabulas quasdam collegenti mihi in manus venerunt vitiosæ quasdam & hiantes, quas refarcire conatus sum, bene an secus alij viderint.

Nonius in Pecua.

*Attius Diomede. Passim quæ præda pecua balabant agris.* Fortassean corrigendum, *Passimq; præcia pecua.* Præcia à præciendo, quòd clamore & balatu pastorem antecedant. certè eodem modo Præciæ dicti tamquam proclamatores quidam, qui Flamines antecedeabant, & clamore opus fieri prohibebant: de quibus vide Festum.

In No-



In Nobilis.

*Att. Diom. Me Argos referam, nam hic suam nobilis, ne  
cui cognoscar noto.*

*è Festo & litterarum ductu restituo, Ego me Argos re-  
feram. nam hic cluo iam gnobilis. In Insolens.*

*Attius Diom. Ita è fletu & tenebris obstinatus speciem  
amissi luminis Conspiciunt insolentiam.*

*Propius germanam scripturam editio Nonij vetus  
Veneta; è qua, eiecto dumtaxat E, scribo: Ita fletu &  
tenebris obstinatus speciem amissi luminis. Speciem lumi-  
nis dixit pereleganter pro visu. Specere enim & spi-  
cere antiquè vidère est. In Exanclare:*

*Attius Diom. Ferè exanclauimus tyranni ingenium sæ-  
uum & execrabile.*

*Scribendum, Feri: vt ad tyrannum referatur.*

In Caussari.

*Attius Medea. Qui potis est repelli quisquam, vbi nullus  
est caussandi locus.*

*verum est, refelli, arguta sententia. Nemo, ait, con-  
uincitur, cui sui purgandi potestas non datur.*

In Tabificabile.

*Attius Medea. Par neci orbis cor liberorum letho & tabi-  
ficabili.*

*emendo, Pernici orbis cor. In Aucupaui.*

*Idem Medea. Ego me extollo in abietem, altè ex tuto pro-  
spectans aucupo.*

*rectius esse opinor, prospectum aucupo. Exempla su-  
pra posui, & alia vbique obuia.*

## CAPVT XXII.

*Aui aduersa. Ilij. Addubitatum de Plauti versu Bacchidi-  
bus: alius indidem emendatus.*

SCÆNA, Iamdudum Pistoclère.

Quo



*Quo nunc capeſſis tete hinc aduerſa via  
Cum tanta pompa?*

An hîc aduerſa via, quam infeliciter & diis tuis iratis ingreſſus ſis? an verius eſt. *auerſa via*. Vt ſignificet, quod explicauit pluribus Aſinaria, ſic:

—————*hac quidem non venit, angiporto*

*Illac per hortum circuit clam, ne qui ſe videret.*

Sed inclinat animus credere, fuiſſe olim:

*Quo nunc capeſſis tete hinc aduerſa aui.*

ob ea quæ antecedunt: ea verò quæ publicantur fulciendo verſui videntur excogitata. Aduerſa auiſ eſt altera & ominis mali. Poëta vetus apud Ciceronem:

*Soluere imperat ſecundo rumore atque aduerſa aui.*

*Scæna, Atridæ duo.*

*In dolis ego depreſſus ſum, ille mendicans penè inuentus interit.*

*Dum ibi exquirat fata illorum. aſimiliter mihi hodie obtrigit.*

Res eſt non coniectura, *fata Iliorum*. Ilij pro Ilieniſibus de quorum fatiſ hîc agit. Sic poëta neſcio quiſ, *Ilius Hector*.

### CAPVT XXIII.

*Mos antiquus in nuptiis. Mutinus Tritinus. Mutinum, Mutio. Mutoniatus. Preſidère. Correctus Lactantius, & lociſ duobus Lucilius.*

MIRA ſuperſtitio fuit veterum in omnium rerum primitiis diis ſuiſ conſecrandiſ. Et vide ſodes ineptiaſ, & ride. etiam noua nupta, priuſ quàm ad maritum deduceretur, obſcæni Dei in ſinum locabatur; vt hic quoque iure ſuo pudicitiam eiſ prælibandi



bandi frustrari ne videretur : auctor Lactantius diuinarum Institutionum primo. *Et Tutinus, in cuius sinu pudendo nubentes president, vt earum pudicitiam prior deus prelibasse videatur.* Emendo, *Mutinus*, siue *mauis*, *Tutinus*. Tutinus deus quod equidem sciam necdum natus est, & nihil huc facit siue Tutilinus siue Tutanus, quâs tuendi nostri, si credimus, cura est. Mutinus autem Latio, qui Graciæ Priapus, teste Diuo Augustino : idemque Festo Mutinus Titinus dicitur. Faciebant illi sacra velatæ, vnde nuptæ dicuntur ; & in togis prætextis, vnde, quia dum porro ita deducerentur ad maritum acclamabantur fescennini, in dicterium abierunt verba nupta & prætextata pro liberis & obscænis. Ab hoc Mutino & in nobis id quo sumus mutinum dicimus, & mutones siue mutoniatos bene valatos, & quibus peculium, istud dico virile, calamitas non attigit. Manauit exinde latius, vt iaceretur in quemuis impurum. Lucillius :

*Et muton' manum perscribere posse tagacem.*

Idem verbum reponendum suspicor duobus eiusdem Lucillij locis apud Nonium. primùm in Senium :

*In numero quorum nunc primu' Trebelliu' multo*

*Obmarcescebat, febris, senium, vomitus, pus.*

malim, *Trebelliu' muto*. quamquam vulgatum illud defendi posse non negem : vt & in Nebulo :

*Nugator quidam ac nebulo sit maximu' multo.*

Legebam tamen, *set maximu' muto*. Rectè autem in Lactantio est, *president*. Præsidere enim verbum in casto operantium proprium : in eo more suo ex ambiguo lusit Plautus Mostellaria :

*Ego interim hanc aram occupabo. T H. quid ita? T R. nullam rem sapis.*

*Ne enim*



*Ne enim illi confugere huc possint, quæstioni quos dabit,  
Hic ego tibi præsidebo : ne interbitet quæstio.*

## CAPVT XXIV.

*Plauti Stichus emendata locis duobus, vno Trinumus. item  
Titinnius leniter.*

STICHO, Scæna Mercurius Iouis:

*Herim ex marore eximam, benefacta maiorum meum*

*Exaugeam, atque illam augeam ex insperato à portu modo.*

*Verba postrema vitij manifesta sunt: emendo, ex in-*  
*modo sperato à portu bono: vel, si mauis litterarum ductum se-*  
*qui, ob portum bono. Bonum ob portum est quod in*  
*portu est. Ob enim antiquè significat ad. Ennius:*

*Ob Romam noctu legiones ducere cepit.*

*Ad autem in loco motum sæpe significat, Rudente:*

*Neque quiui lenonem ad portum prehendere.*

*Alterum tamen magis probant, quæ infra sequuntur  
Dinacij verba:*

*——ita celeri iui curriclo*

*Properè à portu tui honoris caussa. P. A. ecquid apportas  
boni?*

*Mox, Eadem Scæna:*

*Commodum radiosus sol esse superabat è mari.*

*Rectum opinor esse, sol sese superabat è mari. Supera-*  
*bat pro tollebat ἐπερυντῆς ἀρχαῖον. Ita penetrare*  
*se in domum idem Plautus, emigrare se ædibus di-*  
*xit Titinnius. sic enim eius versum emendo apud*  
*Nonium in Senium: ——quot pestes, iurgia, senia,*

*Sesemet hisced emigrârunt ædibus.*

*Et plurimis locis apud Plautum sese & esse loco se  
inuicem mouerunt. ita quod editur Trinumo scæna  
prima:*

*Indignum*



*Indignum ciuitate hac esse viuere,*  
 nemo dubitabit, saltim non imperitissimus, rectè à  
 me emaculatum,

*Indignum ciuitate ac sese viuere.*

## CAPVT XXV.

*M. Varro quinto De lingua Latina emendatus.*

MIRVM est quantulum mendum quantas sæpe  
 tenebras in bonos libros inuehat. vel hunc locum M.  
 Varronis libro De lingua Latina quinto quis hacten-  
 us intellexit? Nam *Flamen Dialis, auspicatur vindemiam*  
*& ut ius sit vinum legere, agna Ioui facit: inter cuius exta & caesa*  
*porrecta Flamen prorsus vinum legit.* Omnes certè ante  
 me ita acceperunt iussisse Flaminem vinum legi, tum  
 agna Ioui fecisse: quo nihil à sententia Varronis alie-  
 nius, & manifestò arguunt vanitatem sequentia. Sed  
 vide leuissimam erroris causam: syllabæ duæ coalue-  
 runt, quibus diuisis non meridie clarior lux est, quàm  
 huius loci sententia. *Lego, & ut ius sit vinum legere.* Ut  
 liceat, inquit, & ius fasque sit vinum legere, flamen  
 Dialis agna Ioui facit, tum ipse inter exta erectus vin-  
 demiam auspicatur.

C I A N I



## VERISIMILIUM

## LIBER SECVNDVS.

## CAPVT I.

*Lucillij Saturæ xxx. quod videatur fuisse argumentum. in  
eam rem complures ex ea versus adducti, & de coniectura  
compositi, correcti.*



**L**UCILLII pleraq. omnia maiorum incuria intercidisse valdè mihi indignum videri solet. Mitto hominem fuisse eruditissimum & linguæ Latinæ sciētissimum, quod Fabio & Gellio; primùm styli nasum condidisse, quod Plinio maiori; scripta eius vnicum apud Latinos *χαρχιτῆρ* & *ἰχνῆ* exemplum esse, quod M. Varro ni visum fuit: quanti tandem illud putandum? vitiorum insectatorem acerrimum fuisse, quod vno omnes ore loquuntur. Habêret in quo se tamquam in speculo contemplaretur hæc ætas virtutum inanis, vitiorum fertilissima. De me, facio quod possum, adiunt, quando quod volo non licet. Fragmenta quæ comparent in rutis cæsis Grammaticorum sublego, mendosa emaculo, diuulsa compono, atque ex illis librorum quoque ipsorum argumenta, quod potest, ariolor. Id an adsecutus sim libro Saturarum xxx, doctorum erit arbitrari; ego quid me obseruasse mihi persuaferim proponam. Censeo enim bonam partem consumptum in maritum insectandis miseriis, quos ait vxorum illecebris captiuos teneri. sic enim cohesisse



cohesisse coniiciebam versus, qui hoc docent.

*Atque illud quoque mite malum blandum atque iocosum;*

*Si laqueis manicis, pedicis mens irretita est,*

*Præsternit labra deliciis, delenit amore.*

Tum eosdem legibus coërceri ait, ut res suas separatas habeant, ut mundum muliebre & supellectilem domesticam affatim suppeditent, ut terra mari vel cum capitis periculo rem faciant. Huc enim spectant illa,

*Accipiunt leges, populus quibus legibus expers,*

*Hoc missum facies, illo me vivere libente.*

& hæc paullò vel antè vel posterius (quis enim certum adfirmet in re tam incerta?) posita:

——— *curabit domi sint*

*Gerdus, ancilla, pueri, zonariu', textor*

*Euplocamo digitis discerniculúmque capillo:*

*Culcitule accedant binæ centonibus priuis*

*Omnia alia, in quibus efferimur rebus: ne ego multis*

*Eloquar.*

Eodem referendum arbitror hoc viri ad obiurgantem coniugem, ut suspicor, responsum à Nonio, uti & priora, diuulsum.

*Id' que tuis sævis dictis ac tristibus factis*

*Hæc tu me insimulas? non ne antè in corde volutas*

*Quid dare, quid summi facere & præstare potissim.*

Denique & has de itineribus & periculis maritorum disiectas in Noniano pelago tabulas & à me nescio quàm rectè, certè non inconuenienter, comparatas iterum & tamquam conglutinas:

——— *se conficit ipse comestque*

*Vir, mare metitur magnum, se fluctibus tradit.*

*Continuò simulac paullò vehementius aura*

*Influit fluctus, erexerit, extuleritque,*



*Omnia endo mari videas feruente micare.*

At bonas matres familias interim desidia sua & crebris ad amicas; siue amici sunt; itionibus rem mariti conteri & dilabi pati idem adfirmat. Sic enim coagmento hos versus:

*At cum iter est aliquod, & caussam commenta viauit,  
Aut apud aurificem, ad matrem, cognatam, ad annicam,  
Aut operata aliquo in celebri cum aequalibu' fano;  
Lanae opus omne perit, pallor, tinea omnia cadunt.*

Quin adiicit, vltro illas inclamatas quiritare & culpam defendere:

*Quid tu isthic curas vbi ego oblinar atque voluter?  
Quid seruas quod eam? quid agam? quid id attinet ad te?  
Tunc ingoiungas me ante & succedere aratro  
Inuitam, & glebas subigas proscindere ferro?*

Itaque eodem hoc libro idem Lucillius contendit muliebre ingeniũ cum leonis decrepiti lustro, quod cata illa & vafra vulpecula subire noluit; cum videret vestigia ferarum quæ se intro penetrauerat prorsus ferri omnia, rursus nulla: quem locum eruditissimi poetæ, à Platone sumtum, Horatius vt multa alia æmulatus ad æstus populi & reipub. motus trāstulit:

*Quod si me populus Romanus fortè roget, cur  
Non vt porticibus sic iudiciis fruar hisdem,  
Nec sequar aut fugiam quæ diligit ipse vel odit:  
Olim quod vulpes agroto cantat leoni  
Respondit, referam: quia me vestigia terrent,  
Omnia te aduersum spectantia, nulla retrorsum.*

Eundem apologum in Lucillio fuisse narrarunt mihi aliquot indidē reliquiæ; sed ita malè perciso ore, vt è balbis eximi non possint. eas sparsim subiiciam.

\* \* leonem Aegrotum ac lassum.

\*

\*

Qui



*Qui non spectandi studio, sed omni' tetri  
Impulsu ingressus.*

Ita enim emendo, quæ publicantur. *Q. n. expectans  
spectandi studio, sed hominis: perspicuè falsò.* De vulpe  
virili genere, more sui seculi, loquitur.

\*

\*

*Et sua perciperet retro relictâ iacere*

\*

\*

*Deducta ad hunc voce leo. cur tu ipsa venire  
Non vis huc.*

Verba leonis, in quibus emaculandis iam olim inci-  
di cum amico meo. Nonius: *Deductum, diminutum,  
suppressum.* rectè, & talis vox ægrotorum & senum.  
Sic Virgilio deductum carmen est humile & depres-  
sum, quale bucolicum: non, vt idem ille Gramma-  
ticus malè explicat, molle & suaue.

\*

\*

*Quid sibi volt? quare sit? vt intrò, versus & ad te  
Spectent, atque ferant vestigia, & omnia prorsus.*

Vulpeculæ verba sentientis leonis simulationem, vt  
scripsi distinguenda: ad quæ ille, vt videtur fidei fa-  
ciendæ causâ, respondet:

*Tristem & corruptum scabie & porrigini' plenum  
Hic in stercore, humi, sabulisq; fimo atque sucerda  
Insulta miserum te quoque in me.*

Vbi notabis exemplum tmeseos Lucillianæ, de qua  
Aufonius, versu vltimo. Insultate enim coniungen-  
dum est: vt paullò antè dixit, *versus & ad te:* pro quo  
Horatius, *te aduersus.* Concluisse apologum videtur  
ita, vt muliebri malum adfirmaret blandius quidem  
esse, sed eo ipso maius & propius perniciem. Ita enim  
hæc expono:

*Improbior multò, quàm de quo diximus antè,*

C 3

Quandò



*Quantò blandior, hoc tanto vehementiùs mordet.*  
 Postremò addam, videri mihi occasionem huic Saturæ scribendæ Lucillio dedisse nescio quem conui-  
 ciatorem, cui reponere hoc pacto voluerit, vt cum  
 nupsisse vxori ostenderet: tum in vniuersum sexum  
 δεικνῶς, vt fit, incurrisse. Vnde id imbiberim suspi-  
 cari, adiiciam (semel enim qui pudorem migrarit;  
 nauiter, aiunt, impudentem esse oportet) futelam a-  
 liquot versuum meam.

*Nunc Cai quoniam incilans nos ledi' vicissim,  
 Et maledicendo multis sermonibùs differs  
 Quum scis scire tuas omnis maculâsque notâsque,  
 Summatim tamen experiar rescribere paucis,  
 Quantas quôque modo arumnas quantosque labores  
 Exanclâris, vti pecudem te vt denique nasci  
 Præstiterit asinum.*

In quâs, vt subtilis est imperitia, etiam nomen me  
 mouebat Caij. Notum enim illud in nuptiis sol-  
 leinne, Vbi tu Caius, ego Caia.

## CAPVT II.

*Mansum ex ore dare, prouerbiū. Oreæ. Culpa. Eadem  
 Saturæ emendatus Lucillius.*

LV BET etiam num ex eodē libro paucula qua-  
 dam malè affecta, quod nobis dii opis dabunt, per-  
 sanare. Nonius Mansum.

*Lucillius lib. x x x. Sperans atatem eandem hæc proferre  
 posset \* mansum ex ore daturum.*

Nescio an desit quippiam, vbi asteriscum collocaui-  
 mus. Certè priora liquet mihi asseuerare rectè à me  
 in versum hexametrum reposita, *Sperans atatem ea-  
 dem hæc proferre potesse, & mansum ex ore daturum.* Vbi  
 nobis



nobis prouerbiū, quod etiam nunc in frequenti vsu est, mansum ex ore dare.

Idem, Rumpere.

*Lucil. x x x. Quæ quondam populi oris, aures, pectora rumpit.*

Rectum est, *populi oreas*. Oreæ frenos significat & labia; vt hîc & apud Næuium: Deprandi autem leonis obdas oreas. de re periculosa. Lucillius, vt apparet, de re ita peruagata loquitur, vt vulgò nihil aut loquerentur aliud aut audirent, aut cogitarent.

In Bonus.

*Lucil. x x x. Caluus Palantino quidam vir nobilis bonus bello.*

Emendo, *Palatina*. nota formula est, & sic Cicero: *Verres Romilia*, subintellige tribu. Hoc primum: deinde versum moneo μέγερων ἢ τελείαμβρον esse, quos exemplo Græcorum nonnumquam interiiciebant Latini vetustissimi. Liuius:

*Dirige odorisequos ad ceca cubilia canes.*

Postremò istud bellę sententię explendę adiectum videri à Nonio ex hoc versu qui ex eodem libro adducitur in Sæuum.

*Et sæuo & duro in bello multò optimus hostis.*

Fallacia fallaciam trudit, aiunt: ita coniectura coniecturam. & hîc postremam vocem mutandum censeo in *hastis*. Itaque hos versus coniungo:

*Caluū Palatina quidam vir nobili bonus,*

*Et sæuo & duro in bello multò optimus hastis.*

In Hilum.

*Lucillius x x x. Quòdque tuas laudes culpas non proficis hilum.*

Benè habet versus, & nugantur qui mutant. Culpæ in quouis scriptore loca deculpata, vt ait Gellius, &



quibus meritò criticus theta præfigat. Aufonius:

*In'que tuis culpis tu tibi da veniam.*

Taxat nescio quem poëtam, cui sese adeò præfert, ut  
sua poëmata tantum teri affirmet hoc versu,

*Et sola è multis nunc nostra poëmata ferri.*

### CAPUT III.

*Tagere. Tagaces, Peraenari. Truculentus Plauti correcta.*

BELLE ludit ancillula Truculento in adolescentum rapacitatem, Scæna Ad fores auscultate: sed in ibi non bene legitur,

*Unus eorum aliquis osculum amicæ vsque oggerit,*

*Dum illi agant.*

Malum enim, *Dum illi tagant.* Tagere siue tangere argento circumducere & furari est. Milite: *Tetigit calicem clanculum.* Epidico: *Istis adeò te tetigi triginta minis.* Hinc tagaces Lucillio furaces. Hoc ergo ait, quosdam congerronum amicæ; alios interibi rapinæ operam sedulò dare. Scæna, Num tibi nam amabo.

——— *mater ancillas iubet*

*Quoniam iam decumus mensis adueniat propè*

*Aliam aliorum ire, præmandare, & querere*

*Puerum aut puellam.*

Nihil ad sententiam, *præmandare.* Emendationem tamen non extrico: nisi fortè scribit Plautus:

*Aliam aliorum ire peruenari & querere.*

Certè id verbum huic loco aptissimum, & usus eo est Mercatore,

*Defessus sum urbem totam peruenarier.*

*Ibidem paullò post:*

*Eum nunc non illa peperit, quæ peperit prior;*

*Sed tu posterior. P. H. omnem rem tenes.*

versu



versu posteriore numeri non pleni sunt, & mea sententia nihil certius quàm excidisse hinc ob similitudinem litterarum voculam, scribendumque esse,

*Sed tu posterior. P H. ordine omnem rem tenes.*

Scæna Ne expectetis.

——— *adduce huc tu istas: sed istæ reginæ domi  
Sua fuere ambæ: verùm patriam ego excidi manu.  
Iis te dono. pœnitet ne te quod ancillas iam?*

P H. *Quin etiam ne insuper adducas quæ mihi comedint cibum.*

Locus & à personarum collocatione & à verbis corruptus. Docet vtrumque Donatus, qui simillima ait hæc Terentij Eunucho:

*An pœnitebat flagitiij te auctore quod fecisset*

*Adolescens, ni miserum insuper etiam indicares patri?*  
tum Plauti verba laudat; sed, vt nunc in libris est, corruptissimè: nos vestigiis, quàm potuit, proximè inherentes ita restituimus.

*Iis te dono. P H. pœnitet ne te, quod ancillas olas alam,*

*Ni insuper etiam adducas, quæ mihi comedint cibum?*

Cùm fastidiret miles in commendandi munere, meretricula callidè eiusdem eleuandi; an, inquit, parum tibi videtur, familiam tantam, quam vides, alere? nisi adducas mihi etiam plures, quæ rem meam deuorent. Ita scribisse Plautum, aut certè proximè, vt ego taceam, res loquitur.

## CAPVT IV.

*Exante. Inante. Insuper habere. Supereffe pro defendere.  
Emendatus Appuleius & de Oratore Cicero.*

Non grauabor ex Appuleio quoque maculas aliquot tollere, scriptore supra vulgi opinionem bono,

C 5 & per-



& perstudioso vetustæ & germanæ Latinitatis: tamen et si affectata in illo, & à pedestri stylo abhorrentia, multa. Sed scitum est Athenæi illud τὴν ἀλμυρὴν λόγους δὲ εἶναι γλυκύσιν ἀποκλύσας νάμασιν. Libro primo Milesiarum, siue de Asino aureo hæc notabam.

*Et tamen Athenis proximè & ante Pæcilen porticum isto gemino obtutu circulatorem aspexi equestrem spatham præacutam mucrone infesto deuorasse.*

Suspicio corrigendum, *Ex ante Pæcilen porticum. Ex ante* vetustè, pro *ante*: vt Propertio *in ante*: Hic dominam exemplo ponat *in ante meam*. Ibidem:

*Hic qui meis amoribus subterhabitis, non solum me diffamat probris, verum etiam fugam instruit.*

Legendum, *meis amoribus insuperhabitis*. Insuperhabere est neglegere, contemnere: vsus eo verbo Papinianus I. C. in Pandectis bis, item Gellius & ipse Appuleius alibi. Huic contrarium est superesse, pro auxilio esse & defendere. nam malè Gellius ita Latine nos loqui posse negat: & rectè Palmerius noster adductis in medium exemplis aliquot contrà tendit. de quo ne dubitari possit vltèrius, testem adducam, quem numquam ita impudens erit vt reiicere audeat Gellius, M. Ciceronem libro primo De Oratore. Equidem, inquit, *propinquum nostrum P. Crassum illum diuitem cum multis aliis in rebus elegantem hominem & ornatum, tum præcipuè in hoc efferendum & laudandum puto, quòd cum Scæuulæ frater esset, solitus est ei persæpe dicere, &c.* Quo in loco postrema verba manifesta vitij. neque enim Scæuulæ Crassus aut natura aut adoptione frater fuit: & præclarè membranæ collegij Tosani, quarum lectiones mihi ostendit vir doctissimus & mihi non amicitiaè solùm sed & hospitij nomine coniunctissimus Suffridus Petrus; præclarè inquam



quam illæ: quodd cum P. Scauula superesset. hoc est, vt ego interpretor, tutelam illius gereret. Tutores enim pupillorum rebus supersunt; quod ipsi per ætatem non possint. ita ergo isthic emendandum censeo.

Eodem Appuleij libro, infrà.

*Modico deinde regressa, patefactis adibus: Rogat te, inquit inutuli me, eumque accubantem exiguo admodum grabatulo & commodum canare incipientem inuenio.*

Nihil deest, quod cuiquam videri possit: interpunctione tantum indiget, & leui correctione. *Rogat te, inquit: intuli me.* Rogandi solo verbo utebantur, cum quem vt vnà esset & accumberet inuitarent. Ipse Appuleius libro hoc extremo: *Et ecce Fotis ancilla, rogat te, inquit, hospes.*

## CAPVT V.

*Tegillum & tectum, pro veste. Alieni. Appuleius correctus: item Lucilius apud Nonium & Cato apud Festum.*

TEGILLVM pro integumento corporis seu veste vili & plebeia frequentatum constat è Festo & Nonio, & exemplis quæ iidem laudant, Plauti Rudente:

*Tegillum eccillud mi vnum arescit, id si vis dabo.*

*Eodem amictus, eodem tectus esse soleo cum pluit.*

Et Varronis Sesqui-Vlyse:

*Iugère volitans miluos visus aquam è nubibus*

*Tortam indicat adfore: tegillum vt pastor sibi*

*Sumat.*

Id verbum reponendum apud Appuleium libro ix.

Nonnulli exiguo tegillo tantummodo pubem intecti. Malè enim vulgò, *regili*. Porro adiicit Nonius, *deminutum esse à tecto*. rectè. Sic enim à *recta*, quod itidem vestis genus est, *regilla*: & tecto quoque vestem significari argu-



argumento est Lucillij locus apud Nonium Palla:

*Cùm tectum est (quid vis?) satis est: visuri alieni*

*Sint homines spiram, pallas, redimicula.*

Ita eum locum interpungo & lego. Cùm, inquit, vestita es quomodolibet, satis est tibi: quid requiris amplius? alij in ornatu anquirendo fastidiant. *Alieni enim hîc iidem qui alij: vt socieni, socij; dubieni, dubij.* Et quia hîc sum, addam locum Catonis ex v i i. Originum priori simillimum: apud Festû, Ruscum. *Mulieres opertas auro purpurâque: arfinea, rete, diadema, coronas aureas, russeas fascias, galbeos lineas, pelles, redimicula.* Ita correxit præclare, vt omnia, sol litterarum Scaliger: vnum restat tamen, sed leuiculum, mendum. Legendum enim, *pallas: non, pelles.* Palla interpretæcipua mundi muliebris, pelles non item. nam quod Festus alibi prodidit lugentes diebus luctus in pellibus fuisse, huc pertinere non potest.

#### CAPVT VI.

*E Plauto insigne glossema sublatum: tum emendati & concinnati versus aliquot.*

AMPHITRYONE Plauti primore fabula versus sunt & numeris confusissimi & pleni mendorum. In iis quos subscripsi:

*Opulento homini hoc magis seruitus dura est*

*Hoc magis miser est diuitis seruos.*

*Noctésque diésque assiduò satis superque est,*

*Quo factio aut dicto adest opus quietus ne sis.*

*Ipse dominus diues operis & laboris expers*

*Quodcumque homini accidit, liberè posse retur.*

*Aequum esse putat, non reputat laboris quid sit,*

*Nec equom ane iniquom imperet cogitabit.*

Eos



Eos in senariorum legem reponendos & corrigendos vt arbitror, ita subiiciam: tum facti mei causam dabo.

*Opulentod homini hoc seruitus dura est magis,  
Noctésque diésque assiduò sati superque esit,  
Quo facto aut dicto est opu' quietus ne sies.*

*Ipse dominus operis expers & laboribus  
Quodcumque animum accidit libère, poscere  
Aequom putat esse, non laboris quid siet*

*Reputat, nec aequom ne anne iniquom imperet.*

Primum illa quæ eieci, hoc magis miser est diuitis seruos, liquet mihi affirmare interpretationem esse versus priini adiectam ab indocto magistro, ita inficetè vt me in hoc diutius immorari pigeat. Deinde scripsi, *satis superque esit*: quod ἀρχαιοῦ hoc, *esit* pro *erit*, librarios offensos correxisse arbitrarer, qua in sententiâ maneo: si tamen ita quis malit quæ diuidar, & constabit versus. Tertio versu quid aliter facerem quàm feci non habebam, si Plautum Latinè loqui vellem. semper enim Latini, est opus facto: numquam ei modo, quo editur vulgò. Sequitur,

*Ipse dominus operis expers & laboribus.*

mutatione, fateor, subaudaci: quæ tamen ratione nitatur. *Opera pro labore* paullo minus quàm protritum est. Cicero: *Mercenariorum operas non artes eminus*: etiam ignotius fortasse gaudere non minus auferendi casu quàm gignendi istud, expers. Turpilias:

*Neque mirum educta, vt par est, expers mulitiis.*

Eam occasionem suspicor fuisse cur mutarent temerè qui non caperent. Si quis tuebitur lectionem publicam, cum eo non valdè pugnabo: hoc modò ne diffiteatur è glossa esse τὸ δῖες, ad illud quod præcessit, assiduus. Cetera, nisi me valdè fallit, benè restitui:

Illud



Illud homini occupasse libros pro animam, minus mirabitur qui idem irrepsisse in omnes libros cogitabit apud Ciceronem in epistolis, in illo Trabeæ:

*Ego voluptatem animi nimiam.*

## CAPUT VII.

*Tolutim ire. Acupedius. Sonticum. Remos detondere. Emendatus Nonij versus, & complures Lucillij.*

LUCILLII versum Nonius adducit in Tolutim.

*Idem: Velle tolutim hic semper incepturus videtur.*

Eum pudenti mutatione restituere conabar,

*Velle tolutim hic semper incessurus videtur.*

Loquitur de milite, qui magnificè & equi tolutarij in modum se inferat, siue etiam qui celeriter, & acupedius sit: sic enim veteres *ποδώνεα* transferunt: sed verius prius. Incedere, siue, vt Plautus, *καδ' ἐν tolutim* equi gradarij est: hinc migratione in alienum tolutim ire accelerare est. Nouius: *Dixitutum in Tuscos tolutim*. Sic lego, litterula extrita. Inde tolutiloquentia, quam interpretatur M. Tullius volubilitatem verborum lingua exercitata & celeri. Nouius Gallinaria:

*O pestifera, Pontica, fera, trux tolutiloquentia.*

Vbi reponendum moneo pro Pontica, quæ vox quid sibi velit, hîc quidem, non video, *sontica*; hoc est, noxia & lethalis. Nam sonticus morbus est qui diuturnitate noxius, & sontica causa grauis, & quam subterfugere non possis. In Guberna.

*Lucillius Satur. xx. Proras despoliate & detundite gubernæ.*

Lege, *detondete*. Gubernæ posita pro gubernaculis *ἐλκυσμῶ* Nonius hîc admonet, & imitatus est, vt *ple-  
raque*



raque huius poëtæ, Lucretius. Detondere gubernacula aliis remos detergere est. Cæsar primo De Bel. Ciu. *Remos transcurrentes detergere, si possent, contendebant.* In Fulgêre.

• *Lucilli. Satur. x i. Conuentus pulcer! braccæ, saga, fulgere torques Magni.*

voce vltima inducta corrige, Manli. Gallis peculiarum habitum notat, braccas, saga virgata, torques, quos iocosè Manlij dicit, quòd T. Manlius torque Gallo detracto Torquatum cognomen in familiam induxerit. Eundem habitum ex parte Tacitus tangit in historia Augusta, de Cæcina loquens. *Ornatum ipsius municipia & colonie in superbiam trahabant, quòd versicolore sagulo braccas tegmen barbarum indutus togatos alloqueretur.* Vbi nescio an è glossemate sint illa, *braccas tegmen barbarum indutus*, & legendum sit, *braccatus togatos*, vt aliàs Latini. Certè non ita ignotæ Taciti sæculo braccæ, vt explicandæ essent. hoc tamen pono, non etiam adfirmo.

## CAPVT IIX.

*Consilium. Consiliari. Opus approbare. Durare. Illustratus Plautus Pænulo & Asinaria.*

FULLONIAM hoc capite demereri mihi lubet, eademque elegantem locum Plauti illustrare, primore fabula.

*Placet consilium. M I. immò etiam vbi expoliuero,*

*Magis hoc tum demum dices, nunc etiam rude est.*

Duo olim fullonum officia erant; vestem eluere & cogere vnum, alterum eandem creta candefacere: illud consiliari dicebant, & ipsam actionem, quod insultu multo pedum fieret, consilium; hoc, expolire.

Varro



Varro De lingua Latina libro quinto. *A cogitatione concilium, unde consilium. quod ut vestimentum apud fullonem cum cogitur consiliari dicitur: sic reminisci, cum ea quæ tenuit mens ac memoria cogitantur & cogitando repetuntur. Quem locum ut obiter explicem, à paucis perceptum: cogitare, inquit, est crebrò cogere, unde concilium, quia cogitur; & hinc consilium, in re fullonia, quod vestimentum cogat; in animo humano, quod cogitet id est multum diuque cogat ea quæ memoria tenuit. Hæc igitur urbanissimi ioci mens est. ait adolescens placere sibi consilium, intelligens inuentum serui de subornando villico: at ille ita accipit, quasi de veste clauta & coacta loqueretur: immò, inquit, nihil est præ ut mox opus meum tibi probabo, cum addidero politias ceteras. Nam ut nunc res est, consilium quidem est; sed rude & sine politis. Notum autem est mercenarios opus approbare solitos dominis. Appuleius libro sexto. Singulisque granis ritè dispositis atque seiugatis ante istam vesperam opus expeditum approbato mihi. Milite:*

——— *Satin' est tibi, si*

*Meum opus dabo ita expolitum, ut improbare non queas.*

Ad quem morem etiam respexit. Porro duradi quoque verbum fullonum proprium erat, quod vestis coacta & incretata dure scat. Absque hoc sit, Sibyllæ folium erit versus, Asinaria:

*Non queo durare. PA. si non didicisti fulloniam,*

*Non est mirandum.*

Vbi malè afflictamur, ibi nos durare posse venustissimo loquendi genere negamus. Terentius:

*Non hercle hic quidem durare quisquam, si sic sit, potest. Miseriam ergo suam & dolorè animi muliercula cum significaret, parasitus per deridiculum aliò detorquet.*

CAPVT



## CAPVT IX.

*Lucillij fragmenta aliquot correctâ, composita, & cum Terentij loco simili collata.*

PERGAM è Lucillio maculas tollere; & primum ex his versibus, adductis à Nonio in Rogare.

*Ferri tantum si roget me non dem quantum auri petit, si se cupit et si quoque à me quæ rogat non impetret.*

Septenarij sunt, neque difficulter emaculantur ita:

*Ferri tantum, si roget me, non dem, quantum auri petit:*

*Si se cupiet, sic quoque à me, quæ rogat, non impetret.*

Arilator nimirum is rogator erat, qui mutuam pecuniam gestiret sumere Kalendis Romanis, quam Græcis redderet. In Repedare.

*Lucillius x x v i. Redisse ac repedasse, vt Roma vitet gladiuoribus. Idemque. Sanctum ego à Metello Romam repedabam munere.*

Exemplo priori acutè amicissimus Palmerius legit, *Romam vt bitet gladiatoribus, id est, spectaculis gladiatoris.* Reliqua arbitror ita scribenda: *Idem. Queis actis ego à Metello repedabam numero.* Numero idem quod celeriter, ocyus: vt omnes nôrunt.

In Posticum.

*Lucilli. v i i i. Pistrinum appositum posticum, sella, culina. Melius est, oppositum postico, cella. In Offendere.*

*Lucil. x x v i. Si quod verum inusitatum autem ζήτημα offenderam.*

Suspisor verum esse, verbum inusitatum, aut ζήτημα. Ex eodem hoc libro quæ adferuntur apud Nonium in Apisci, Niti, Cordi est:

*Et quod tibi magnopere cordi est, mihi vehemēter displicet:*

*\*Summis nitere natura opibus; at ego contrà vt dissimilis siem:*

D

Vt ego



*Vt ego effugiam, quod ego te imprimis cupere apisci intellego.*

octonarij tres sunt, quos ita olim cohesisse non dubito, nisi quòd ante versum secundum quid videtur deesse : expressi autem sunt à Terentio Andria penè ad verbum.

——— *sed si id non potest,*

*Aut tibi nuptiae hae sunt cordi. Et mox:*

*Nuptias ego istas effugere malo, quàm tu adipiscier.*

CH. *Reddidisti animum. P A. nunc si quid potes aut tu, aut tu Byrrhia,*

*Facite, fingite, inuenite, efficite, quì detur tibi:*

*Ego id agam, mihi quì ne detur.*

#### C A P V T X.

*Eiusdem Lucillij versus cum Terentij & Virgilij compositi:  
tum adducta in medium & emendata insignis sententia.*

SINE dolo dicam, valde gaudeo, cùm in imitationes incido optimorum auctorũ expressas de scriptis vetustiorum siue oratorum siue poëtarum. Vindicare enim mihi videor antiquitatis Romanæ studiosos, à calumnia certorum hominum, qui ex his ipsis semisepultis ruderibus, si quid ex usu sit, cupidè sublegunt. Quare si qui Latinam linguam contaminari putant, ne illi eodem maledicto Terentium, Virgilium, è ceteris optimum quemque circumscribunt; quos hi nostri auctores habent. Certè respexerint ne ij quos posui ad Lucillij versus quos subiiciam, ipsi viderint: geminos quidem sibi inuicem esse non negabunt. Lucillius apud Nonium in Genius:

*Curet egrotum, sumtum homini prabeat, genium suum  
Defrudet, alij parcat.*

Teren-



Terentius, Phormione:

*Quod ille vnciatim vix de demenso suo  
Suum defrudans genium comparsit miser,  
Id ille vniuersum abripiet.*

Lucillius x x v i i. Nonius, Mordicus.

*Mordicus petere aurum ex flama, expediat è cæno cibum.*

Terentius Eunuchus.

*E flama petere te cibum posse arbitror.*

Lucillius x x v i i. Nonius Proprium.

*Cum sciam nihil in vita proprium mortali datum esse.*

Terentius, Andria.

*Nihil ne esse proprium cuiquam?*

Lucillius x x v i i. Nonius, Pernix.

*Fuimus pernices, æternum id nobis sperantes fore.*

Virgilius, Æneide.

——— *Fuimus Troes, fuit Ilium, & ingens*

*Gloria Dardanidum.*

Sed hæc leuiora: adiciam locum ex eodem Nonio in  
Dare, quem mendosè legi arbitror:

*Lucillius lib. x x v i. Animoque ægrotat vidimus corpore  
hunc signum dare.*

Scribo, *Animo qui ægrotat, videmus.* Philosophica sententia est, animi turbati indicium facere habitum corporis; contrà, corpus doloribus confectum animo vegere. Vtroque enim animo & corpore hominem, id quod est esse, & viuere. Hæc adiecisse Lucillium ex duobus præterea fragmentis collego: quæ in septenarios recollecta cum hoc non pessimè composui:

*Animo qui ægrotat, videmus corpore hunc signum dare;*

*Tum doloribus confectum corpus, animo obistere.*

*Principio physici omnes constare hominem ex animo*

*& corpore*

*Dicunt.*



## CAPVT XI.

*Herere alicui. Numerus. Neglegi pro neglexi. Sacramenti militaris formula. Correctus Cicero Philippicis, & Terentius Adelphis.*

PHILIPPICA XIII. omnes libri editi habent: Est etiam Decius, ab illis opinor Muribus Decius. Itaque Cæsaris munere Deciorum quidem multo intervallo per hunc præclarum virum memoria renouata est. Non incommodè, absque libro veteri esset, qui legit: *numero Cæsaris sesit. Deciorum quidem.* Perspicuè rectum est, *numero Cæsaris hesit.* Herere alicui est implicari & irretiri alicuius consuetudine: idque potissimum in vitio ponitur. Terentius Adelphis:

*optumè est. Metui ne hereret huic.*

Ita enim optimum fragmentum Colonienſe, neque dissentit Donatus, atque ipse Demea primore hac scæna:

*Vbi ego illum quæram? credo abductum in ganeum*

*Aliquò: persuasit ille impurus, sat scio.*

Eleganter ergo Cicero hunc Decium nomine dumtaxat commendatum hesisse ait non Cæsari sed numero Cæsaris: simul & colluuiem familiarium Cæsaris notans & huius Decij vilitatem, qui ei numerus tantum fuerit, hoc est, precio aut loco nullo. Sic enim & Horatius: *Nos numerus sumus.*

Eadem infra, epistola M. Antonij.

*Theopompum nudum expulsus à Trebonio confugere Alexandriam neglexistis.*

Idem liber, *neglegistis*: idque recipere mihi religio non erit. Locutus ita Æmylius Macer, teste Diomede: *Omni auctoritatem neglexerunt.* Et affectallè obsoletas voces Antonium ex Suetonio constat.

Ali-



Aliquanto inferius:

*At militibus inclusis opem fertis. nihil moror, illos saluos esse & ire quò lubet.*

Melius scripti, & ire quò iubetis. Allusit ad sacramenti militaris formulam: *Ibo quò Senatus Populúsque Romanus iusserit.*

## CAPVT XII.

*Sarcinare. Acie. Machinæ sarcinatricum. Nonius restitutus, & explicatus apud eum Varro.*

NONIVS in Sarcinatrices.

*Sarcinatrices non (vt quidam volunt) sarcitrices, quasi à sarciendo: sed magis à sarcinis, quòd plurimum vestium sumant. Varro ὀρτὸς ἀύρας. Homines rusticos in vindemia incondita cantare, sarcinatrices in machinis.*

Primum verba Nonij emaculo, quod plurimum vestium suant. Vult sarcinare quasi frequentatium esse primigenij sui sarcire. Deinde in exemplo Varronis, fuit cum legerem, in acis: vt Catullus dixit, *in vino ludere*. Acus enim & acie sarcinatricum & phrygionum propriæ. Titinnius Bibato:

*Phrygio fui primò benèque id opus sciui,*

*Reliqui acus aciasque hero atque heræ nostræ.*

Sed muto iam nunc sententiam. Machinæ pergulæ sunt, in quibus sarcinatrices opus factitabant non hoc modò Mineruæ, sed alterum quoque illud, ni fallor, Veneris. Semper enim id genus mulierculæ hanc partem malè audiêrunt. Itaque Q. Cicero C. Antonio crimini ponit, amicam eum in Prætura de machinis emisse: De petitione Consul. *Quo tamen in magistratu amicam quam palam domi habêret, emit de machinis.* In magnis familiis vt ornatrices, vestispicas;



ita sarcinatrices partem famulitij fuisse pars lapidis  
Romani indicat:

IVLIA . IVCVND A  
AVG. L. SARCINATR

## CAPVT XIII.

*Eloco pro illico. Plautus Menæchmis & Truculento emendatus: item Varro.*

MENÆCHMIS, Scæna Vt ætas.

*At ille mihi supplet aurum & pallam ex arcis, modò*

*Me despoliat, mea ornamenta iam ad meretrices degerit.*

Scribo, ex arcis domo: & versu secundo, clam ad meretrices degerit. Perpetuus in his vocibus error librariorum, & postulat sententia. Sic enim respondet mox Menæchmus.

*Deosq; testor. s E. qua de re aut cui rei rerum omnium.*

*M E. Me neque isti malè fecisse mulieri, neque, quod me arguit,*

*Hanc domo abs se surripuisse.*

Quæ coniecturam meam ita probant, vt vltra verbis nihil opus sit. Similem maculam eluam Truculento, Scæna Numnam tibi amabo.

*Ego isti non munus mittam: iam modò ex hoc loco*

*Iubebo ad istam quinque perferri minas.*

Versu priore & numeri euagantur supra plantam, vt aiunt; & vacillat sententia. Non enim à via, vbi tunc erat, perferri munus ad meretricem iussurus erat: sed à se domo. Quare restituo; *iam domo eloco Iubebo ad istam q. p. m.* Eloco & ilico promiscuè trinerunt Latini veteres: vt eosdem illum, ellum, ollum indifferenter vsurpasse testimonio sunt Grammatici & exempla scriptorum. Hoc cùm nescirent librarij (quid autem



autem illi non nesciunt? pro captu suo emendant: si peruertere emendare est. Significant autem ea particulae & tempus, ut hinc & plerumque alibi, & locum, ut veriloquij. Est enim eloco, quasi eo loci: & ab illico aduerbia *ποπυα* descendunt, illic & illi. Varro, *ον λυρας*: apud Nonium in Mansuem.

*Non vidisti simulacrum leonis è loco, ubi quondam subito eum cum vidissent quadrupedem Galli, tympanis adeo ferunt mansuem, ut tractarent manibus.*

Non dubia correctio est, *eloco, ubi quondam*: quod & sibi iam pridem venisse in mentem, mihi, cum hæc legeret, significauit Palmerius. Infra quiuis videt scribendum, *fecerunt mansuem*.

## CAPVT XIV.

*Mos antiquus laudandi nouam nuptam, & cur iactati in nuptiis fescennini.*

NOTAVIT Nonius tali pro talis positum à Titinnio Setina, his versibus:

——accede ad sponsum audaciter:

*Virgo nulla est tali Setiæ.*

Nescio an aliis, mihi certè non persuadet: & nescio an scribserit Titinnius, *est tale Setiæ*: ad quam faciem est hoc Pomponij:

*Simile est quasi cum in celo fulgit propter lunam lucifer.* Nam manifestò de puella siue puero sermo est. Eodem modo Titinnius alibi: *Formica pol per simile est rusticus homo*. Neque refugerunt Plautus, Virgilius, alij: apud quos exempla similia passim obuia, aut certè reperit in libro suo Marcellus extrito s, tali Setiæ: quod more maiorum factum caudex ille non sensit. Atque hoc primum, deinde ex illis verbis morem



antiquum elicio laudandi nouam nuptam: ita enim ferè accinebant. *N V L L A T E H O D I E P U L C R I O R.* Id diligenter obseruauit in Hymenæo Mallij doctissimus Catullus:

*Tardet ingenuus pudor.  
Quæ tamen magis audiens,  
Flet quod ire necesse est.  
Sed moraris, abit dies:  
Prodeas noua nupta.  
Flère desine. non tibi  
Auruncleia periculum est,  
Ne quæ femina pulcrior  
Clarum ab Oceano diem  
Viderit venientem.*

Quòd autem nimias laudes à Nemese vindicari & fascino obnoxias credebant; fescenninos statim adii-  
ciebant præfiscini: hoc est, ad arcendum fascinum,  
vt rectè interpretatur Festus. Id eadem hac fabula  
narrauit mihi Titinnius: nam cùm ita laudaret Se-  
tinam virginem pronuba, siue quæ alia fuit: interpel-  
lat altera,

*Paulla mea amabo poltud ad laudem addito  
Præfiscini.*

Ita libri, & nollem virum eruditissimum aliter lau-  
dasse. Subiicit Carisius, qui hoc fragmentum con-  
seruauit, explicandi causa: *ne puella fascinetur.*

#### C A P V T X V.

*St. Cautes Terentij Heautontimorumenos correctæ.*

*H E A V T O N T I M O R V M E N O, Scæna Ain' tu,  
vulgò legitur:*

*Enim verò reticere nequeo, multimodis iniurius*

*Clitipho*



*Clitipho est, neque ferri potis est. Clin. audiendum hercle est tace.*

Versu secundo neq. numeri pleni sunt, & stultè Clinia silentium imponit Clitiphoni, qui nullus interloquatur, iam quidem. In ms. Colonienſi lego, *audiendum hercle est. Clit. quid est, tace.* Vnde litterula mutata verum me elicuisse spero.

*Clin. audiendum hercle est. Clit. quid? C. st, tace.*

Cùm audiendum Syrum Clinia censuisset, ira adhuc ardens Clitipho, quid, inquit, ego audiam scilicet: quæ priusquàm eloqueretur, Clinia gestu & voce eum reprimat. St, silentij nota propria. Poëta vetus: *Harpocrates, digito qui significat st.*

Scæna, Quid isthuc?

*Vel heri in vino quàm immodestus fuisti! Sy. factum.*

*C H. quàm molestus!*

Malim, *actum.* Consternati serui & qui in fallaciis cùm manifestus teneatur paueat sermo est. neque adhuc colloquio se miscuit: vt intelligere possimus supparasitari eum Chremeti. Probant & quæ antè dixit, *acta hæc res est, perij.*

Scæna, Ego me non.

*M E. Quid? isthuc times, quòd ille operam amico dat suo*

*C H. Immo quòd amica. M E. si dat. C H. an dubium id tibi est.*

Dolor Chremetis postulare videtur: *ah, dubium id tibi est.* & verissimum hoc est ab aliis traditum, inuicem has particulas sæpissimè mutasse. Ita autem vt scripsi, aliàs semper Terentius. suprà hac fabula:

*Mille nummum poscit. C H. & poscit quidem. s v. hui*

*Dubium ne id tibi est? Eunuchus.*

*Ne id quidem tacebit Parmeno. P A. ob, dubium ne id est.*

D S

Scæna



Scæna eadem.

*—— in me quiduis harum rerum conuenit,**Quæ sunt dicta in stultum, caudex, stipes, asinus, plumbeus.*

Non moueo controuersiam huic loco: sed dissimulare nolo in ms. reperire me, *cautes*: non, *caudex*. & cam lectionem videri stabiliri verbis Chremetis infra hac scæna,

*Quot res dedere, vbi possem persentiscere,**Ni essem lapis.*Notū illud Virgilij de dura & immiti, *Marpesia cautes*.

## CAPVT XVI.

*Surdè audire. Surdo narrare. Græca mercede curare. Homo non fescunciæ. Correctus Pomponius.*

SENTIO me leuiora nonnulla his meditationunculis adpersisse, & quæ doctioribus fortassè non videbuntur digna, de quibus admoneantur. Mea tamen hæc sententia est, nihil leue esse, quod iuuentutem & bonas litteras quoquo modo doceat, neque, vt in veteri verbo est, sit crambe repetita. Quale fortean hoc erit, quod notauī illustrando loco Terentij Heautontimorumenos:

*Ne ille haud scit quam mihi nunc surdo narret fabulam.*

Proverbij originem quærebam. Nam Erasmus hîc ariolatur, hospitem in surdum incidisse: multa cum diu nequiquā rogasse: eam rem consciis risui ac mox dicterio fuisse. scio ita fieri solère, & nescire mallet: verū lubet arbitrari, eum frustrà fuisse. Qui alterum loquentem parum attenderet, siue vecordia animi, siue quòd alibi esset: surdè audire vulgò dicebatur. Id didici ex Afranio:

*Amentes [ quibus animi non sunt ] integri, surdè audiunt.*

Inclusa



Inclusa his notis [ ] dele in Carisio, apud quem hoc fragmentum exstat. Sunt enim irreptitia. Idem indicat manifestius Propertius:

*Ah pudeat, certè pudeat: nisi fortè, quod aiunt,*

*Turpis amor surdis auribus esse solet.*

Et Plautus Casina:

*Sed vxorem ante ædis eccam. hei misero mihi*

*Metuo, ne non sit surda atque hæc audiuerit.*

Amans differri se sermonibus hominum non audit, vecordia animi: at ille Plautinus optat vxorem alibi cogitationibus fuisse, ne inaudierit verba sua. Vt igitur, qui hoc modo verba exciperet, surdè audire: ita qui illiusmodi homini loqueretur, surdo narrare dicebatur. Liuius III. Historiarum. *Haud surdis auribus dicta: impressione vna totum equitatum fudère.* Ad dam non grauiora alia, Plautus Afinaria:

*Cetera quæque vti volumus Græca mercamur fide.*

Non minus venustè Afranius, *Græca mercede curare:* cùm in emptione repræsentatur pecunia, non in diem est. Verba apud Nonium in Occupare, leuiter à me emendata.

———*quæ tuleram mecum millia decem*

*Victoriatum Græca mercede illico*

*Curavi, vt occuparem.*

Ab eodem in Senica versus hic adducitur:

*Pappus hic medio habitat senica non fescuncia.*

Legō, *P. his in ædibus h. f. n. fescunciæ.* Vt Afranius, *homo non nauci;* Næuius, *non quisquilæ;* Vatinius apud Ciceronem, *non semissis;* Plautus, *non assis, non trieboli:* ita hîc Pomponius, *non fescunciæ* dixit, de eo qui nihili & nullæ rei esset.



## CAPVT XVII.

*Rota fortuna. Peculiares serui & ancilla. Tunica laxa. Tibullus illustratus locis aliquot.*

VETVS verbum est, *dies diem docet*: ita in his literis scriptor scriptorem explicat. Id adeò in mentem mihi venit è Tibulli versu lib. i. Eleg. v.

*At tu qui potior nunc es, mea furtiva caueto.*

*Versatur celeri fors leuis orbe citò.*

Ita è suis excerptis vir doctissimus emēdat. Sed haud dubio è glossēmate irrepsit illud, *citò*: & vera antiqua lectio est, *orbe rotæ*. De eadem fortunæ rota M. Tullius in Pisonem: *Cùm collega tui domus cymbalis & cantu personaret, in quo ne tum quidem, cùm illum suum saltatorium versaret orbem, fortunæ rotam perimescebat*. Itaque etiam apud Plautum Truculento,

*Verterunt sese memorie, stultus qui id admiretur.* reponendū arbitror, quod in suis MSS. repperit Lambinus, sed quid eo faceret non vidit. *Vertit sese rota vicissim, stultus qui id admiretur.*

Suprà lib. i. Elegia III.

*At circa grauibz pensis affixa puella*

*Paullatim somno fessa remittat opus.*

Vt adolescentulis seruuli custodes dabantur, ita puellis seruulæ, quæ in lanificio vnà essent, eas sectarentur & curarent: ij eæque, vt Iurisperiti loquuntur, peculiares illis plerumque erant, hoc est in peculio. Captiuus:

*Vendiditque patri meo te sex minis. is te mihi*

*Paruulum peculiarem paruulo puero dedit.* Perfa:

*Sophoclidisca hæc peculiaris est eius Quò ego missus sum.*

Et verò quæ curabant puellam aut in lanificio vnà erant seruolæ, Latinè circa illam esse dicuntur. Exemplum



emplum hîc in Tibullo habes & Terentij Eunuchus.  
*Abducit secū ancillas: pauca quæ circum illā essent manent*  
*Nonitiæ puellæ.*

## Lib. I. Elegia VI.

*Tunc procul absitis, quisquis colit arte capillos*

*Effluit effuso cui toga lapsa sinu.*

Rectè mutauit acutissimus Scaliger, cui hoc Gratia-  
 rum poëticarum sodalitiū aternū debet, *laxa:*  
 eiūque emendationi fulciendæ locus vnicus est infra:

*Nunc si clausa mea est si copia rara videndi*

*Me miserum, laxam quid iuuat esse togam.*

Laxæ togæ & ad talos demissæ tunicæ probro erant,  
 vt argumenta libidinosi & mollis animi. Cicero In-  
 uectiua secunda: *Quos pexo capillo nitidos & imberbes*  
*aut bene barbatos videtis, manicatis ac talaribus tunicis, ve-*  
*lis amictos non togis.* Plautus Pœnulo:

*Sanè genus hoc mulierosum est demissiciis tunicis.*

## CAPVT XIIX.

*Frater cibarius. Cibicida. Amicus ferentarius. Varronis*  
*fragmentum emaculatum & cum altero compositum.*

Ex Varronis Saturæ ὄν & λῦρας Nonius hæc addu-  
 cit in Verutum,

*Acerbus, qui tibi nihil mali fecerunt verutis ob artem præ-*  
*claram.*

Vt quidem hætenus leguntur, nulli rei; & non in-  
 tellecto murmure verius quàm aliqua, obscura sal-  
 tim, sententia. Vide tamen, si illis lucis quippiam  
 correctione nostra accesserit. Lego enim, *ac cernos q.*  
*i. n. m. f. verutis. ob a. p.* Emendationi huic fundus  
 est locus alter ex eodem libro laudatus à Nonio in  
 Venabulum: *Nempe sues syluaticos in montibus sectaris*

*vena-*



*venabulo, aut ceruos.* Nam, audeo dicere: nihil verius, quàm hæc ita cohesisse.

*Nempe sves syluaticos in montibus sectaris venabulo; aut ceruos, qui tibi nihil mali fecerunt, verutis. ob artem præclaram!*

Insectatio rei venaticæ est. Ex eodem libro adfert Nonius:

*Tuus autem ipse frater cibarius fuit Aristoxenus.*

Fratrem amoris & amicitia significationem habere notum est: hinc eleganter Varro fratrem cibarium dixit, qui congerroni suo impendio victum curat, ei-que tamquam pro cibo est: contrà qui aluntur, cibicidas Lucillius pari venustate nominat, lib. xxv i i. *Viginti domi an triginta vel centum cibicidas alas.* Ita Plautus iocosè amicum ferentarium vocat, qui repentè opem fert & auxilium egenti amico. Trinummo:

——nam illum tibi

*Ferentarium esse amicum inuentum intellego.*

Quo loco allusit ad ferentarios notum genus militum in exercitu Romano.

## CAPVT XIX.

*Quid nisi. Tempori. Andria Terentij versus tres de coniectura constituti.*

SCÆNA, Quid ais Byrrhia?

*Quid tibi videtur? adeon' ad eum? B. quid ni? si nihil impetres*

*Vt te arbitretur sibi paratum mœchum si illam duxerit.*

Æstuant priore versu interpretes & variant libri: sed meo animo nō pessimè restitui, interpunctione paululum immutata. *adeon' ad eum B. quid nisi? nihil impetres; Vt te arbitretur, &c.* *Quid nisi* vetustè, quod nos teri-

mus



musquid ni. Vfus eo vnicus Terentianæ venustatis amator Afranius.

*Me auctore mater abstinebis. quid nisi.*

Mox subintelliges, si: vt frequenter & pereleganter Latini. Menæchmis: *Nam absque te esset, hodie numquam ad solem occasum viuerem.* Si nihil impetres ait; at metum certè iniicies parati adulterij.

Scæna, Adhuc Archillis.

*Atque adeò in ipso tempore eccum ipsum obuiam.*

Libri mss. adiiciunt, *Chremem*: & disertim interpretes vetus idem agnoscit. Quare nemo mihi quidquam credat, ni scribserit Terentius:

*Atque adeò tempore ipsum eccum obuiam Chremem.*

Tempori idem quod oportunè, tempestiuè: idemque efferebant, tempore; vt heri here, vesperi vespere, luci luce, mani mane. Epidico:

*Aedepol ne istam tempore gnato tuo sumus*

*Præmercati.*

Vulgaria lectio ab interpretis verbis deprauatis manauit: quæ ita restituo. *Quid aliàs] cur aliàs. Tempore] in ipso tempore, in ipsa oportunitate, in ipso articulo* Eadem labes contaminauit, vt mihi quidem videtur, locum eiusdem huius fabulæ, Scæna vltima:

——— C H. *saluos sum si hæc vera sunt,*

*Colloquar. P A. quis homo est? Charine in tempore ipso mihi aduenis.*

Scripti plerique omnes duabus vocibus hîc auctiores sunt, *Adibo & conloquar*: quas homines religiosi, quòd versus excurreret, recipere non sunt ausi. atqui inducto glossemate nihil negocijerat & versui & iniuria loco motis subuenire, hoc modo:

*Adibo & conloquar. P A. quis homo est? Charine tempori mi aduenis.*

Et hæc



Et hæc probabo doctis fortasse: ceteri quid probent  
quid improbent manum non verterim.

## CAPUT XX.

*Plautus Asinaria emendatus.*

ASINARIÆ Plauti scæna prima senex, à seruo  
per salutem suam suorumque adiuratus, ne verum  
reticeat, ita respondet:

*Per Dium Fidium quæris, iurato mihi  
Video necesse esse eloqui, quidquid roges.  
Ita me obstinatè aggressus, ut non audeam  
Profectò, percunctanti quin promam omnia.*

Primo versu sententia heret. nihil enim per Dium  
Fidium seruus quæsierat. itaque mutârunt alij, *quæ*  
*quæris*: ego vnus litteræ mutatione malim, *quæ vis*. Ita  
me Dius Fidius amet, inquit (per eum autem deum  
iurat ex more, quòd sub dio esset) necesse esse video,  
eloqui me tibi omnia, ita me obstinatè aggressus es.  
Adiurauerat illum nempe per suam & suorum salu-  
tem, quæ obtestatio veteribus sanctissima erat. Ap-  
puleius Milesiarum 11. Sic ille commotus: *sed instantia*  
*Byrrhenæ, quæ cum adiuratione suæ salutis ingratius cogebat*  
*effari perfecit ut vellet.*

Scæna, Hercle verò.

*Metuo ne ille obscenarit meæ falsæ fallaciæ.*

Laudat aliter Nonius, *Et vocum illic obscenauit.* Corru-  
ptè, nemo negat: sed vnde nescio an verum elicie-  
rim, *Ecquo nunc illic obscenauit.* Ecqua, inquit, ille re  
mihi fallaciarum comitia vitiauit. Illic antiquè pro  
ille, ut omnes norunt, Terentius: *Quam illic qui petit*  
*vnde is sit thesaurus sibi.*

CAPUT



## CAPVT XXI.

*Tricari. Tricones. Reposcones. Abundare voluptatibus.  
Turpilij fragmenta emaculata.*

THESAVRVS mendorum Nonius est: quantumvis inde multa tollas, plura semper supererunt. Turpilij in eo reliquias quas persanavi, volui quidem certè, iam dabo.

In Sublegere.

*Turpili. Boëthun. Qui verba venatur mea pestis, ars  
cedat & sermonem hinc sublegat.*

Rectè vir doctus, *arcedat*. Ego isthoc addo, vidèri & præcedentia malè affecta, legendumque:

——— *qui verba venatur mea,*

*Postis arcedat, & sermonem hinc sublegat.*

*Postis* pro *postes* scriptum in errorem induxerat eundem illum, qui pro *arcedat* *ἀρχαικός* exaratum non viderat. Ita autem ferè & Terētius Phormione.

In Obsequela.

*Turpilius Epiclero. Neque offerre hunc diutius errari & conqueri necesse suæ obsequelæ.*

Arbitror scribisse poetam, *Neque ferre hunc diutius tricari & conqueri, Nec esse suæ obsequelæ*. Tricari est creditorem delectando frustrari, & spe inani ducere. Tricones enim mala & impedita nomina dicuntur. Lucillius:

*Luci' Cotta senex, Crassi pater huius PanatI*

*Magnus trico fuit nummariu' soluere nulli*

*Lentus.*

Quo in loco multum risi Nonium. Lentus nulli soluere est eo ipso quod soluat nulli malè audiens & infamis. Lentum nomen, idem quod malum. Ad Atticum: *Teucris illa lentum sanè negotium*. Contra repo-

E sones



scones Ammiano flagitatores sunt, qui assiduo con-  
uitio creditum repetunt. libro xxi. *Aegyptij contro-*  
*uerfi sunt & repositoscones acerrimi.*

In Legerè.

*Turpilius Epiclero. Quoniam legere te optimum esse at-*  
*que aquisissimum: qua cum vegeta atas & iubendum*  
*esse tibi.*

Verba sunt adolescentem cohortantis ad accipien-  
dam condicionem vxoriam. Ea sic corrigo, & in se-  
narios, vnde excidère, repono.

*Quom legere te esset optimum atque aquisissimum,*  
*Qua cum vegenda atas & viuendum est tibi.*

Vegère ætatem eleganter dixisse arbitror, pro exhila-  
rare & iucundè traducere. Pomponius: *Animos Venus*  
*veget voluptatibus.*

In Caries.

*Turpilius Leucadia. Ciperi, viden vt osculatur cariem?*  
*num illunc illac pudet?*

Scribe, meo periculo: *Hei perij.* Fons mendi, quod ei  
pro hei scriptum fuit, & *perl*, pro *perij*.

In Immortalitus.

*Turpilius Hetera. Satine vt meum cor voluptatibus dat,*  
*immortalitus se obtulit mihi hac facultas.*

Emendo: *Satine vt meum cor voluptatibus*  
*Abundat? immortalitùs sese obtulit*  
*Mihi hac facultas.*

Abundare voluptatibus multi vsitârunt; nec pote  
quicquam venustius. ita propemodum ipse Turpi-  
lius Philopatro:

*Mira lenitudine ac suauitate abundat.*

Neque mirabitur euanuisse syllabas duas, similitudi-  
ne antecedentium deceptis librariis, qui scriptos li-  
bros triuerit. Stare voluptatibus, ferri hîc non po-  
test.



test. Nihil enim minus quàm stat cor cùm gaudio delibutum est : fluit potius & lubrico quodam humore quasi perfusum abundat. Tum semper horrorem aut neglectum, certè quietem verbum standi significat: vt in illis ipsis exemplis, quæ à viro docto huc conferuntur, Titinnij, Sisennæ; præterea Virgilij illo,  
*Stat puluere calum.*

## CAPVT XXII.

*Correctus Plantus Casina & Mostellaria.*

CASINÆ Scæna, Sine modò rus veniam.

*Recessim cedam ad parietem: imitabor nepam.*

E Festo colligo veterem scripturam & germanam esse, *Recessim dabo me ad parietem.* Dare se aliquò aut alicunde vsitatum Plauto & eius seculi scriptoribus. Mostellaria, Scæna Hoc anno.

*Clanculum ex edibus me edidi foras.*

Malim, *me dedi foras.* Eadem Casina, in commemoratione flagitiosæ turpitudinis, quam Stalino in se admiserat:

*Et si malum merui, hac dabo protinam me in fugam. c l.*  
*heus Stalino*

*Amator. s t. occidi! reuocor.*

mss. Langij paullò aliter. c l. *sta loco.* Non dubitabis verum esse, *sta eloco.* Eloco idem esse quod illico supra docuimus.

## CAPVT XXIII.

*Fragmenta Turpilij aliquanta restituta.*

PAVCA etiam num mihi superant in Turpilio apud eundem Nonium, In Præstolat.

E 2

Turpil.



*Turpil. Pedio. Ego præstolabo illi, eo citante opicium  
Corrige, illico hic ante hospitium. In Condemnare.*

*Turpilus Leucad. Et amplius illam apparere condecet:  
quandoquidem voti condemnata est.*

*Tentabam legere, Etiam thus illam apparare. Loquitur  
enim de apparatu rei diuinæ.*

*Accusat. pro Ablatuo.*

*Turpil. Epiclero. Sed vola, vt familia nostra officia fun-  
gatur sua.*

*Rectius existimo esse, Sedulo vt. Ibidem:*

*Turpil. Vis me potiri? fac ergo potiar quod volo.*

*Fuit cum mutarem, Vis me largiri: sed destiti. Verba  
meretriculæ sunt ad amatorem inanem, qui verbis se  
postularet satis facere. Vis me, inquit, ductare: at tu  
argentum cedo. Adiiciam capitis supplendi versus  
duos ex eiusdem Turpilij Pedio, quos à Nonio in Le-  
niuit & Intui adductos rectè, ni fallor, compuli:*

*Quando quidem amorem intercapedine ipse leuiuit dies:*

*Tamen oculi longa intercapedine appetunt cupide intui.*

*Tamen si, inquit, amorem tempus & interuallum lo-  
ci exstinxerit: tamen videre multò post quam ama-  
ueris, volupe est. Lepida mehercule sententia, & quam  
homines belli ὁ ἐρωπῶνι veram esse non negabunt.*

#### CAPVT XXIV.

*In A. Gellio pauca animaduersa: & corre-  
cti versus Caciliij.*

*PRÆLUCE*t nobis tamquã facem exemplo suo  
in hoc miscellaneo scribendi genere scriptor Attica-  
rum Noctium: solus ille quidem ex tanta copia cri-  
ticorum veterum reliquus; neq. tamen melius quàm  
ceteri boni auctores ab imperitis librariis acceptus.  
Ex his



Ex iis vulneribus paucula persanavi, libro i i. capite xxiii.

*Nihil dicam ego quantoperè differat versus vtriusque eximius: sit satis aliis ad iudicium faciendum exponi.*

Vitium & in verbis est & in interpunctione. Lego, N. d. q. differant: versus vtriusque eximios sit satis &c. Ibi-  
dem paullo infra:

*Quòdque Menander præclarè & appositè & facetè scri-  
bsit, ea Cæcilius nequaquam potuit & quidem conatus  
enarrare: sed quasi minimè probanda prætermisit, &  
nescio quasi mimica inculcauit.*

Ita editiones veteres: recentiores emendarunt, nescio  
que mimica: ego, nescio quæ à se mimica: haud dubiò  
verè. Cùm, inquit, Cæcilius leporem Menandri non  
assequeretur, sua nescio quæ leuia & histrionica eo-  
rum vicem supposuit. Mox Cæcilij versus ita vulgât:

*Sed tua morosa ne vxor quæso est? quam rogas?*

*Qui tandem? tædet mentionis, quæ mihi vbi domum*

*Adueni, ac sedi, extemplo suauium datat ieiuna anima.*

*Nihil peccat de suauio vt deuomas vult quod foris po-  
taueris.*

Emendo & repono in numeros ita:

*Sed tua morosa ne vxor est quæso? an rogas?*

*Qui tandem? tædet mentionis; quæ mihi*

*Vbi domum adueni, assedi, extemplo suauium*

*Datat ieiuna anima. Nil peccat suauio*

*Vt euomas vult, quod foris potaueris.*

## CAPVT XXV.

*Aluta. Asserere. Rudente Plauti duum locorum correctio.*

RVDENTE Plautina, principio prologi, his ver-  
sibus:

E 3

Qui



*Qui est imperator diuū atque hominum Iuppiter,  
Is nos per gentes alium alia disparat.*

magna mihi suspicio est, excidisse vocem antiquam,  
& scribendum esse, *alium aliuta disparat*. Aliuta anti-  
quē est aliter: vnde hoc in legibus Numæ regis; *Si  
quis aliuta faxit, ipsos Ioui sacer esto*. Eadem, Scæna  
Nunc id est:

*Nec vlla specula est, quæ salutem asserat.*

Omnino rectum esse existimo, *quæ salutem asserat*.  
Spes salutem non adfert, sed promittit; animo certis  
rationibus inducto. Asserere autem confirmare est,  
caussis cur ita sentias expositis. Cicero Lælio: *Ni-  
hil igitur asserunt, qui in re gerunda senectutem versari  
negant.*

I A N I



IANI GVLIELMII  
 VERISIMILIUM  
 LIBER TERTIVS.

CAPVT I.

*Interdare. Bonis emungi, eluere. Offrenari. Plautus Captiuus emendatus, & si fortè, Rudente.*



**M** V S A S ipsas mihi demereri videor,  
 Plauti vulneribus cùm medeor. ne-  
 que immerito fortasse: si verum est,  
 quod viri doctissimi affirmarūt, eas,  
 si Latinè loquerentur, Plauti verbis  
 sermonem texturas fuisse. Ea re lu-  
 bens meritò feci Captiuus eius aliquot malè affectis  
 membris remedium vt properarem. Scæna, Inijcite  
 huic actutum.

*Quando ego te exemplis pessumis excruciauerò,  
 Atque ob sutelas tuas te morti misero  
 Vel te interiisse, vel periisse prædicent,  
 Dum pereas, nihil interdico, dicant viuere.*

Versu postremo emendo, *Dum pereas, nihil interduo.*  
 Nihil interdare, susque deque facere est *ἡ ἀδιαφορεῖν.*  
 Sic idem Plautus ciccum, floccum non interdare in  
 eadem significatione vsurpat, Trinumo.

*Sed enim tu qui sis, qui non sis, floccum non interduim.*  
 Et Rudente:

*Eluas tu an exungare ciccum non interduim.*  
 Vbi, ne quid dissimulem, malim legi, *Eluas tu an e-*  
*munigare.* Dixerat Charmides: *cho an te pœnitet*



*In mari quod elui, nisi hic in terra iterum eluam?*

Alludens ad naufragium suum & formulam, qua decoctores & damnosi bonis eluere dicuntur: cui subiiciens seruulus, mihi, inquit, susque deque est, bonis eluas, quod fortunæ aut luxus est; an hisdem emungare, quod dolis & technis fieri norunt, qui Latine sciunt: & accidisset Charmidi, si vestem mutare induxisset animum. Quamquam non negem ad frictiones & lauationes veterum potuisse respexisse poetam. Ita ut hoc in medio relinquo; ita, nisi admodum fallor, docti non negabunt recte à me constitutum locum Captiuis: ut & hunc, eadem Scæna.

*Quod absque hoc esset, qui mihi hoc fecit palam,*

*Vsque offerre natum suis me ductarent dolis.*

Ridiculè interpretatur Lambinus: atqui ipsi commentum placet. Langiani libri, *oferenatum*. tu lege, meo periculo: *offrenatum*. Offrenati dolis, qui veluti capistro ori iniecto dolis deuincti quolibet ductantur. Vsurpat Plautinæ elegantia diligens imitator Appuleius, libro De Asino sexto: *Hunc* (de Cerbero loquitur) *offrenatum vnus offula præda facile præteribis*. Scæna quæ hanc præcedit:

*Ita mihi stolido suis os subleuere offuciis.*

eiusdem Langij libri, *stolido vorsus os*. Corrigit Lambinus, *sursum vorsum*. satis audacter meherculè; & propius libros scriptos ego, *vorsutis os subleuere offuciis*.

## CAPVT II.

*Exsilij causa solum vertere. Fatiscere. Cicero epistola ad Brutum emaculatus.*

SVDIFFICILE est plurimis bonorum auctorum locis subodorari inculcatam lectionem & à genuina



nuina dignoscere: ita veteratoriè sæpenumero graf-  
fata est correctorum licentia. Quin immò falleret sæ-  
penumero & pro vera probaret, absque testibus ido-  
neis vetustè descriptis membranis esset. Eiusmodi, si  
quis alius, locus est Ciceronis ad Brutum & Cas-  
sium, epistola D. Bruti. *Qui si ita se habet, ut quemad-  
modum audiebam de Græcio conflagri cum eo sine periculo  
non possit: non ille mihi fugisse à Mutina videtur; sed locum  
belli gerendi mutasse. Itaque homines alij fracti sunt: non-  
nulli etiam conqueruntur, quod persecuti non sitis. Sine  
suspensione mendii, absque libro veteri esset doctissimi  
viri & mihi amicissimi Godescalci Steuuechij: qui  
rectè, si quid iudico, legit, sed solum belli gerendi mu-  
tasse. Qui exsulatum ierunt solum mutasse seu ver-  
tisse exsilij causa dicuntur. Paradoxo I v. Quos le-  
ges exsilio affici volunt, exsules sunt, etiam si solum non mu-  
tarunt. Philippica v. Habent enim legitimam excusa-  
tionem exsilij causa solum vertisse, neque esse postea resti-  
tutos. Ita hic perurbanè ait Antonium solum mu-  
tasse non exsilij causa, sed belli gerendi: sic enim sæ-  
pè loquitur omissio eo, quod de suo certatim adiece-  
re correctores, causa. Mox quæ sequuntur plerique  
omnes mss. ita concipiunt; *Itaque homines alij facti  
sunt*: idque tuetur & explicat Manutius. Mihi ta-  
men litterulæ traiectione eleganter emendari vide-  
tur, *homines alij fatiscunt*. Fatiscere est labascere &  
ab animi alacritate deficere. Tacitus: *Donec fatif-  
ceret seditio & sua quisque in tentoria dilaberetur. Sed  
viderint viri docti; quorum iudiciis & hoc & ce-  
teras meas obseruatiunculas libens meritò sub-  
mitto.**



## CAPVT III.

*A se spernere. Virtus. Maculam eluere. Fusti pectere. Plautus Stichus correctus & Ennius apud Nonium.*

AD Plauti Captiuos, vnde modò discessi, redeo. Scæna, Nunc illud est.

*Nunc spes opésque auxiliáque à me segregant, spernuntque me.*

Propè est vt adfirmem scribisse Plautum, *spernántque se*. Spernere disiungere & segregare est. Exemplum Ennij laudat Nonius in hoc verbo, Hectoris Iytris. *Melius est virtute ius, nam saepe virtute mali nanciscuntur ius, atque equum se à malis sperni procul*. Corri- go & repono in numeros, *Melius est*

*Virtute ius, nam saepe virtutem mali*

*Nanciscuntur; ius atque equum sese à malis*

*Spernit procul.*

Aurea planè sententia, & quàm dolendum esset latuisse in corruptela diutius. Virtute intelligit robur & vires corporis. Glossarium vetus: *Virtus ἀρετή, ἀνδρία, ἰχθύς, δυνάμεις*: aut, certè animi inconsultam ferocitatem. Eadem Captiuus. Scæna Quanto in pectore.

HE. *Pol maiores mi antevortunt gaudiis.* ER. *noli irascier,*

Iam ego ex corpore exigam omnis maculas merorum tibi. Langius in mss. suis repperit, *ex corpore exuam*. Non certius meridie lucere, quàm hîc scribendum, *eluam*. Eluuntur propriè è veste maculæ: inde ad animum transtulit etiam Pænulo:

*Inest amoris macula huic homini in pectore*

*Sine magno damno quæ elui neutiquam potest.*

Scæna



Scæna eadem.

*Nam hercle nisi mantiscinatus probè ero, fusti plectito.*  
*Rectius iidem libri, pectito.* Ita Menæchmis: *pecte os*  
*pugnis.* Et hinc *depexum dare* Terentio malo multare est.

## CAPVT IV.

*Actores. Miluina. Externatus animi. Loca lautia. Re-*  
*stitutus Appuleius pluries.*

APPVLEII libro secundo in festiua illa narratio-  
 ne Telerephontis malè hæc vulgò leguntur:

*Et conuersa Philodespotum requirit auctorem, eique præ-*  
*cepit, bono custodi redderet sine mora premium.*

Scribo, *requirit actorem.* Actores in seruilibus offi-  
 ciis, quibus peculium domini & rationes curæ erant;  
 qualem se facit ille Asinaria Leonida, *qui res rationes-*  
*que heri Ballionis curo, argentum accepto, expenso, & cui*  
*debet dato.* Paullò post:

*Sic in modum superbi iuuenis Adoni vel musteluacis peplis*  
*laceratus & discerptus domo proturbor.*

Portentum verbi hoc quidem, musteluacis: sed vide,  
 si rectè diuinaui, *vel miselli Acis piplis laceratus.* Vt ob  
 amorem inquit lacerati sunt Adonus & Acis, alter à  
 Marte in aprum conuersò, à Polyphemo alter: ita  
 ego petulantiam verbi, pugnis & piplis discerptus,  
 lui. Mox:

*Sic ille senex lamentabiles questus singulis instrepebat. se-*  
*uire vulgus interdum, & facti verisimilitudine ad cri-*  
*minis credulitatem impelli.*

In prioribus malim, *questus singultiens strepebat.* Dixit  
 enim paullò antè: *Voce contenta quidem, sed assiduis sin-*  
*gultibus impedita.* Postea certa emendatio est, *vulgus*  
*incertum.* Virgilius in re simili:

Scindi-



*Scinditur incertum studia in contraria vulgus.*

Idem Appuleius libro III.

*Tu ne vltima non cessas subinde lectorum iuuenum capil-  
lamenta subripere.*

Nescio an verum sit, *Tu ne miluina*: vt ad rapacita-  
tem eius auis alludat, vt & Q. Frater apud Cicero-  
nem: *Renunciatur mihi Licinium plagiarium cum suo pullo  
miluino tributa exigere.* Ita Plautus vehementem cibi  
appetentiam miluinam nominat, ab eiusdem auis  
edacitate. Menæchmis:

*Madida quæ mihi apposita in mensa miluinam suggerant.*

Eodem libro.

*Sic exterminatus animi attonitus in amentia vigilans  
somniaham: defrictis adeò diu populis an vigilarem  
querebam.*

Lubens legerem, *externatus animi.* Catullus:

——— *assiduus quam luctibus externauit*

*Spinosas Erycina serens in pectore curas.*

Postea scribo, *pupulis*: postulante sententia. Aliquan-  
to post:

*Atque ego rebar &c. equum illum meum hospitium ac lo-  
ca lauta mihi præbiturum.*

Lego, *loca lautia*. Innuit ea quæ Romæ legatis præbe-  
bantur loca lautia. Liuius XLVII. *Consulti ab M. Iu-  
nio Cos. patres, stantibus in Comitio legatis, an loca lautia,  
senatûmque darent, nullum hospitale ius in iis seruandum  
censuerunt.* Et corruptus in hoc verbo etiam aliâs; sed  
locus nunc non succurrit; Appuleius.

#### CAPUT V.

*Sparti. Tages. Emaculatus Censorinus, & fragmentum  
L. Attij.*

LVCULENTVS scriptor Censorinus est, quem-  
que



que magnoperè intererat rei litterariæ minus aliquando deprauatum manibus eruditis, teri. In eo non longè à principio vulgò editur:

*In quo non ut plerisque mos est aut hic aperta philosophiæ præcepta ad beatè viuendum quæ tibi scriberem mutuatus sum.*

Optimus liber ms. paullò aliter, aut ex hic apertè. Manifesta veritas legendum esse, aut ex ethica parte philosophiæ: & id vincunt planissimè quæ inibi sequuntur. Mox sub finem capitis tertij:

*Vt in Arcadia fertur regione Erichthonius humo exortus: & in Colchide vel Bæotia consitis anguis dentibus armati partus.*

Idem liber, dentibus armatis partotoc. Quod tamquam manu me duxit ad eruendum verum, armati spartoc.

Spartoc, siue mauis *σπαρτοί*, mythologis non Græcis *Plut. qui modò sed & Latinis dicti fratres Cadmei & in Colchis fatu dentium enati.* Varro rerum humanarum x x v. Ego Sparta apud Homerum non plus spartum significare puto, quàm Spartos qui dicuntur in agro Thebano nati. Meminit & Ammianus libro x i x. etiam Euripides cùm aliàs, tum Phœnissis his versibus:

χθων δ' ἀντὶ καρπῆ καρπὸν, ἀντίθ' αἵματος  
αἶμ' ἦν λάβη βρότειον, ἔξετ' οὐ μὲν  
γῆν, ἢ ποθ' ὑμῖν χρυσοπήληκα σάχυν  
σπαρτῶν ἀνῆκεν. ἐκ γούρας δ' εἰ δανείν  
τέδ', ὅς δ' ὄρακοντος γούρος ἐκπέφυκε παῖς.  
σύ δ' ἐνθάδ' ἡμῖν λοιπὸς εἰ σπαρτῶν γούρας,  
ἀκέραιος, ἐκ τε μετρὸς ἀρσένων τ' ἄπο.

Versus penultimi translatio L. Attij etiam nunc exstat à Nonio conseruata, in Antiquior:

Attius



*Attius Phœnissis ab draconis : surpe amata exoratus genere antiquior.*

Quis non videt, quàm hæc corrupta? olim aliter, iam proximè ductum litterarum malo corrigere:

———*ab draconis es*

*Stirpe armata exaratus, genere antiquior.*

Exaratus, si rem spectes, *απαρτός* est. agrum enim consitum qui dicit, eundem aratum, vt Grammatici loquuntur, adsignificat. Reponendum id verbum hoc quoque Censorini loco paucis interiectis versibus:

*Nec non in agro Tarquiniensi puer dicitur diuinitus exortus nomine Tages.*

ms. *diuinitus exoratus*. Quis dubitet verum esse, *exaratus*. M. Tullius De Diuinatione 11. Tages quidam dicitur in agro Tarquiniensi cum terra araretur, & sulcus altius esset impressus, extitisse repente & eum affatus esse qui arabat. Vide porro quæ sequuntur illico & Ammianum Marcellinum libro xxi.

## CAPVT VI.

*Tentio. Tentigo. Tendere. Mors Aristotelis. ὁ γὰρ Morta. Ex eodem Censorino menda aliquot sublata.*

EIVSDEM Censorini, vbi de seminis profluentia philosophorum controuersas opiniones recenset, locus ita vulgatur: Hipponi verò Metapontino, siue, vt Aristoxenus auctor est, Samio ex medullis profluere semen videtur, idque eo probari quod post admissionem (ita rectè ms.) medullas utpote exhaustas non reperiat: sed hanc opinionem nonnulli refellunt, vt Anaxagoras, Democritus, Alcmeon. hi enim post Græcam contentionem non medullis modò, verùm & adipe multaque carne mares exhauriri respen-



*respondent.* In quibus verbis, quid sibi velint illa, *post Græcam contentionem*, nullus video: & mirum, ni vera est coniectura mea, *post gregum contentionem*, siue potius, vt Palmerio nostro videbatur, *tentionem*. Vitiando loco fuit cognatio litterarum C. & G: quæ in multis promiscuè & scribebantur & efferebantur. Sic eadem esse cerro, gerro; calbei, galbei; acetare, agitare ex Grammaticis notum est. Græcum ergo pro gregum antiquè scriptum cùm offenderet nescio qui tenebrio, loco nebulam quam dispulimus offudit. Tentionem accipio ὀρμὴν εἰς σωφροσύνην. tendere enim in obscænis est: vnde tendere qui libidinantur, & tentionem ὁ περιπατοῦν in carmine Ithyphallico.

Idem Censorinus Capite V.

*Aristotelem Stagiriten reperit: sed hunc ferunt naturalem stomachi infirmitatem variâsque morbi corporis offensiones adeò virtute animi diu sustinuisse, vt magis mirum sit ad annos LXII. eum vitam pertulisse, quam vltra non pertulisse.*

Primum τὴν repperit syllaba vltima in ms. in litura erat. vnde mihi suspicio est fuisse, *reperio*. Reppe-  
rerat quod scribit lectione veterum βιογράφων: è quibus Diogenes prodidit Aristotelem cùm annos tredecim in Lyceo scholas habuisset, secessisse in Chalcidem, ibique anno ætatis sexagesimo tertio morbo esse confectum. Postea malim scribi, *quam vltra non protulisse*. Suauior enim est περινομασία & sententia apertior. Mirum ait esse, perseverare in vita eo vsque potuisse; tantum abesse, vt etiam porro eam extendere potuerit.

Idem Capite IIX.

*Nam vt alia occasum alia stationem faciant, nōsque omnes*



*omnes hac sua disparilitate pariter afficiant solis fieri potentia.*

Locus vix suspectus virij: sed optimæ membranæ habent, hac sua disparilitatem peritura. Vnde non difficilimum fuit elicere: *disparili temperatura*. Dispariter astra temperata sunt, ab iisque nos omnes afficimur, sed non pariter siue eodem modo, quod tinnit vulgata lectio, sed diuersimodè.

Idem Capite I x.

*Sunt autem hæ particule in vnoquoque signo tricena, totius verò Zodiaci numero C C C L X. hæ μέγη Græci vocant, & hæ particule nobis veluti fata sunt.*

Plinius ms. *hæ μοίρας Græci cognominarunt: eò videlicet, quod eas fatales nuncupant μοίρας. præclarè; leuiter tamen immuto, quod deas fatales. μοῖραι Parcæ sunt. Apollodorus: ἐν μὲν οὖν δέμῳ & τῆς ἐρανὲ γεννᾷ (ὁ ζεὺς) θυγατέρας, ὥρας, εἰρήνην, δίκην, μοίρας κλωθῶ, λάχρον, ἄτροπον. Addo isthuc μοῖραν vetustissimos Latinos Mortam transtulisse. Liuius Odysseæ:*

*Quando dies adueniet, quem Morta profata est.*

## C A P V T VII.

*Rata vota. Resignare. Lena. Discingere. Emaculati versus aliquot Martialis.*

ELEGANS, meo animo, poëta Martialis, & è quo festiuitatis & eruditi leporis multum haurire est: fuisset tamen haud dubio aliquantò amplius, si morem maiorum æmulari, quàm sæculum suum imitari; & sua interdum quàm epigrammatum lingua loqui maluisset. In eius libro I x. quædam non magnæ rei quæ sparsim notavi studiosos poëtes non celabo.

Epigram-



## Epigrammate x i i x.

*Latona venerande nepos, qui mitibus herbis  
Parcarum exoras pensa breuésque colus,  
Hos tibi laudatos dominorum voce capillos  
Ille tuus Latia misit ab vrbe puer.*

Versu tertio in ms. erat quem ab optimo & eruditissimo theologo Iacobo Huttero habui, *domino rata voce*. Non dubitabis, quin scribendum sit, *Hos tibi, laudatos domino, rata vota* c. Ratum votum, cum is qui damnas voti est sese exsoluit: quod hîc facit Earinus, misso ad Apollinem capillitio.

## Epigrammate x x x v i.

*Verba ducis Daci Cattis mandata resignas  
Victricem laurum quam venit ante vides.*

Nihil principi Dacorum cum Cattis, & benè idem liber, *cattis mandata*. De epistolis poëtam loqui clamat verbum illis proprium, *resignas*. Adeò, inquit, impudenter garrulus es Philomuse & mendax, vt principum quoque remotissimorum secreta litteris commissa non ignorare videri velis.

## Epigrammate l.

*Dum noua, dum nitida fulgebat splendida lana,  
Dúmque erat auctoris nomine digna sui.*

ms. *leua*. Suspisor reponendum esse, *lana*: quod integumentum exterius est, & ab ea parte splendor togæ conspicuus.

## Epigrammate c i v.

*Peltatam Scythico discindit Amazona nodo:  
Addidit Arcadico terga leonis apro.  
Aeripedem syluis ceruum, Stymphalidas vndis  
Abstulit, à Stygia cum cane venit aqua.*

Optimè ms. *discinxit Amazona*: hoc est, vt interpre-

F

tatur



tatur Aufonius: *Threiciam sexto spoliauit Amazona balteo*. Deinde idem liber habet, *Stymphalidas aëtris*: ad historiam aptius. nam volantes eas Hercules deiecit. Seneca:

*Solitâsque pinnis condere obductis diem*

*Petiit ab ipsis nubibus Stymphalidas.*

Neque tamen malè vulgati. *Stymphalum* enim fl. istæ furia habitabant.

### CAPVT IIX.

*Exefficio. Curiosi, prouerbiū. Correcta fragmenta Afranij & Neuij: & illustratus Plautus.*

NONIVS in Extundo.

*Afranius Epistula. Atque adeo extundo, ex officio datur mihi custodiendus.*

Repone verbum antiquum, *extundo, exefficio*. Truculento: *Numquam hoc vno die exefficias opus.*

In Contendere.

*Afran. Epist. Non licet me qua contendisset ita peruenire. Editio vetus, contendissem. Diuido verbum & lego, qua contendi semita.*

In Serius.

*Afran. Priuigno. Non ego te noui tristem, seruum, serium.*

Malim, *tristem, toruum, serium*: aut certè, quod G. Stewechio placebat, *seuam*.

In Caries.

*Afran. Priuigno. Nemo illa viuit carie cariosior.*

Rectius ms. *curiosior*. Curiosi, vulgi dicterium in graciles & macilentos: quasi ij curis semet conficerent & macerarent. Hoc adieci, vt illustrarem locum Plauti Aulularia.

*Etiā*



*Etiam agnum misi. E V. quo quidem agno sat scio  
Magis curiosam nusquam esse vllam bestiam.*

*M E. Volo ego ex te scire qui sit agnus curio.*

*E V. Qui ossa atque pellis totust, ita cura macet.*

*In Timos.*

*Næuius Lycurgo. Iam ibi nos aduenientes duplicant timos vapósque.*

Corrigit Iunius, *timos Panos*; & intelligit τὸ πανίδν: quod manes eius me condonent, non rectè. Potius litteris transpositis legendum, *timos pauósque*. Vtrumque in exercitu formidolosum esse indicant templa Romæ, Pauori & Pallori iam inde à Tulli regis temporibus sacrata, & Salij Pauorij & Pallorij iræ horum dæmonum auerruncandæ instituti.

*In Melos.*

*Næuius Lycurgo. Suauè summum melos.*

leue mendum, sed quod plerosque fugit: corrige, *suauifonum melos*.

## CAPVT IX.

*Reprehendere. Omnes inimicos repperire, prouerbium. R. ui. Correctus Plautus Epidico, Terentius Andria.*

**N** O N abs re Epidicum suam tantoperè amauit ipse Plautus, fabulam inuentione arguta, sermone terfo & facetiis affluenti: tum omni arte scænica expolitam. Eius primo statim versu:

*Heus adolescens. T H. quis properantem meprehendit pallio?*

*E P. Familiaris.*

Libenter correxerim, *properantem reprehendit*. Reprehenduntur propriè, quos in via affecutos prehenso pallio remoramur, aut serui fugitiui, cùm è fuga re-

F 2

trahun-



trahuntur. Milite: *Vel ille quæ me here pallio reprehenderunt. Bacchidibus:*

*Aufugero herclè, si magis vsus venerit,*

*Si ero reprehensus, mactò ego illum infortunio.*

Inde transitione in aliud se reprehendere Terentio est animum iam iam exiturum quo non opus est veluti retrahere. Adelphis:

*Sensi illicò, id illas suspicari: sed me reprehendi tamen,*

*Ne quid de fratre garrula illi dicerem ac fieret palàm.*

Ita optimum fragmentum Colonienſe, omninò melius quàm editi libri, me repressi tamen. quod quia tritius eſſet à ſciolis huc inculcatum apparet.

Scæna, Remi tibi ſum.

*Qui inuident, omnis inimicos mihi iſthoc factò repperi.*

Non me fugit, ſententiam hinc elici non incommodam. Placet tamen impenſius, *Quin vide, omnes.* & id aptius ad confeſſionem orationis eſt. Prouerbialiter iactabant, omnis ſe inimicos repperiſſe, ſi quam rem aduerſus multorũ, ſuorum inprimis ſententiam aggreſſi eſſent. Terentius:

*Per omnis tibi adiuro deos, numquam eam me deſerturum,*

*Non ſi capiundos mihi ſciam eſſe inimicos omnis homines.*

Scæna, Malè morigerus.

S T. Ego te ſeruabo. E P. ædepol ne illi melius, ſi nati ſunt.

*Sed quis eſt hæc muliercula & illic ruiſtellus qui venit.*

Non heri aut hodie primùm de hoc loco diſceptatum: ſed iam ante Feſti tempora, quantum video. quid enim aliud cauſæ arbitremur, cur ille hîc modò grauæſtellus agnoſcat, modò ruiſtellus? vtrumque certè explicat; cùm alterutrum tantùm verum eſſe poſſit. Mihi, ſi fas eſt contra veterum Grammaticorum



ticorum auctoritatem niti, suspicio adhesit, fortean olim fuisse:

*Sed quis est isthæc muliercula & illic rausus: ellus qui venit.*

Rausus cui canitie caput iam interspergitur, vnde ra-  
uam lupam Horatius dixit pro cana: & Varro, ocu-  
los rausos; pro glaucis siue cæsiis. Ellus δειπνὸν est,  
vt in Terentio:

*Nescio qui senex modò venit: ellum, confidens, catus.*  
ad quem locum operæ erit videre, quæ notârit Do-  
natus. Hanc tamen coniecturam meam vt veram ef-  
se non præsto: ita fraudi mihi apud viros bonos &  
eruditos futurum non spero, quid mihi leuiter vi-  
deretur indicasse.

## CAPVT X.

*Tempori. Magis magisque. Scuta proiecta. Emaculata  
fragmenta Sisennæ.*

IN L. Sisenna magnam iacturam fecerunt Roma-  
næ litteræ, non solùm. historiæ causâ, qua vicit om-  
nes superiores: sed etiam linguæ ipsius, cuius bene-  
gnarum fuisse & Cicero testatur & indicio sunt fra-  
gmenta quasi gustus cuiusdam causâ relicta nobis in  
libris Grammaticorum. In iis hæc obseruabam.

Nonius in Manipulus.

*Sisenna lib. III. Conuictus tamen & tempora singula con-  
stituit, & manipulos sicut steterat obueri iussit.*

Emendo, & tempori signa constituit e. m. s. steterant.  
Tempori sæpè idem quod numero & celeriter. Ru-  
dente: *Vigilare hominem oportet, qui sua vult tempori con-  
ficere negocia.*



*Sifenna Histor. IV. Armata dextra ducti magisque in latitudinem discedunt.*

Scribendum, *Armati d. d. magis magisque in latitudinem.* Elegans ea geminatio, & frequens optimo cuique scriptorum veterum. Ad quod exemplum *Aulularia* Plautus vsitavit, plus plusque: minus minusque.

*Plus plusque isthuc sospitent quod habes. Et:*

*At ille verò minus minusque impendio*

*Curare minusque me impertire honoribus.*

Itaque haud scio an exciderit vocula apud Terentium Eunuchus:

——— & quia consimilem luserat

*Iam olim ille ludum, impendio magis animus gaudebat mihi.*

Scribendumque sit, *impendio magis magisque.* Certè eam lectionem neque numeri excludunt, & sententia propè flagitat. Sed ad *Sifennam* redeo.

Macrobius Saturnal. VI. IV.

*Sed & Sifenna in secundo dixit. Et Marci propius succedunt, atque ita scutis proiectis tectis saxa certatim lenta manibus coniiciunt in hostes.*

*Corrigo, scutis proiectis tecti saxa certatim lecta manibus. Proiecta scuta dixit obtenta & obiecta ictui hostium, & ita accepisse Macrobius docet versus Virgilij: proiecto dum pede laeo Aptat se pugna.*

## CAPUT XI.

*Oram orationis adhibere. Ora pro rei initio.*

*Miles Plauti emendata.*

MILITE, Scena Mihi ad enarrandum.

Ego



Ego quanto citius possum mihi nauem paro.  
 Suspicio reponendum verbum verus, Ego quantocys  
 possum. Mox:

Vbi sumus prouecti in altum, id quod volunt,  
 Capiunt prædones nauem illam vbi vectus fui.  
 Nugæ sermonis, id quod volunt. quis enim existimet  
 eos noluisse capere nauem, quam adorirentur? Cen-  
 seo corrigendum esse, illicò aduolant Prædones, capiunt.  
 Fons corruptelæ vicinitas litterarum D & L, &  
 C & Q.

Scæna, Rem omnem.

————meretricem commoneri

Quam sanè magni referat mihi clam est. quin ego me  
 frustra

Postquam admiscere aures tuæ meæ moram orationis

Tibi dixi, miles quemadmodum potis esset deasciari.

Rectè è vestigiis Vaticani elegantissimus Lipsius,  
 Postquam adbibere: sententia tamen nihilo magis aper-  
 ta est, quam immutatione non magna præclare (quid  
 enim vetat dicere, quod sentio?) restitui:

————meretricem commoneri

Quam sanè magni referat, nihil clam est. quin ego vltro,

Postquam adbibere aures meæ tuæ oram orationis,

Tibi dixi &c.

Meretricem, ait, in maleficio monere nihil opus es-  
 se, palam est; utpote quæ omnes moles maleficas do-  
 mi habet. Etenim me vide, quæ tibi, simul exorsus  
 es narrare de circumueniendo milite, vltro modum  
 eius rei perficiendæ ostendi. In prioribus editiones  
 veteres expressi; vnum dumtaxat ausus ex frustra fa-  
 cere vltro: quod & sententia, & numeri flagitant,  
 neque ita longè abit ab alterius vocis vestigiis. Ne-  
 que morari hîc lubet, dum ostendam quàm ineptè

F 4

hactè-



hactenus libros obsederit, *mora*. Orationis oram ad-  
bibere est sermonem degustare: translatione à ripis  
quæ aquam imbibunt venustissimè ducta. *Et est ora  
non tantum terra, sed cuiuscumque rei initium*, ait Fe-  
stus. Cæcilius:

*Oram reperire nullam, quam expediam, queo.*

Ennius:

*Qui potis ingentis oras euoluere belli.*

### CAPVT XII.

*De silicernio notata quæpiam. λίχνοι. Rapere de rogo ca-  
nam. Bustirapi. Correctæ glossæ veteres. & apud No-  
nium Varro.*

SILICERNIVM notum est conuiuium funebre  
fuisse: illud fortassis non perinde manibus defuncti  
ab exsequiis oblatum, neque fas fuisse degustare ex  
eo quidquam, qui intulissent; sed tantum cernere si-  
lento: unde veriloquium eius nonnulli deducunt.  
auctor in Adelphos Donatus, & Glossarium vetus:  
*Silicernium*, περίδειπνον. λίχνοις γὰρ ἄπτειν ἐν πένθει ὁ  
δέμης. Arbitror enim litterulæ mutatione rectè resti-  
tui, λίχνης. οἱ λίχνοι Hesychio ὀψοφάγιο sunt: ij aderant  
quidem, sed nihil gustabant. Causa cur abstine-  
rent, ne funestarentur. nam quisquis eorum quæ ma-  
nibus libantur quippiam siue ederet siue biberit, fu-  
nestatur. Inde in maledictis & execrationibus, cæ-  
nam è rogo rapere. Catullus:

*Vxor ne Meni, sæpe quam in sepulcretis*

*Vidistis ipso rapere de rogo canam:*

*Cum deuolutum ex igne brosequens panem*

*A semiraso tunderetur vstore.*

Tibul-



Tibullus:

*Ipsa fame stimulante furens escasque sepulcris  
Quærat & à senis ossa relictæ lupis.*

Et qui lucri causa nefanda omnia subire non vere-  
bantur, bustirapi audiebant. Pseudolo:

— iam ego te differam dictis meis

Impudice. B A. ita est. P S. scelestæ. B A. dicis vera. P S.  
verbero.

B A. Quippini. P S. bustirape. B A. certè. C A. furcifer.

B A. factum optumè.

Neque verò in ipsis tantum exsequiis conficiebatur  
silicernium: sed instaurabatur quotannis escis ad se-  
pulcrum positis, vino defuso & rosis quoque spar-  
sim profusis. auctor Servius in quintum Æneidos,  
& inscriptio vetus Torcelli:

LONGIVS . PATRO

CLVS . SECVTVS

PIETATEM . COL

CENT . HORTOS

CVM , AEDIFICIO

HVIC. SEPVL. IVNC

TO. VIVOS. DONA

VIT. VT. EX. REDI

TV. EOR. LARGIVS

ROSAE. ET. ESCE

PATRONO. SVO. ET

QVANDOQ . SIBI

PONERENTVR

Dissentit tamen à Donato Servius in eo, quod à seni-

F s bus



bus absumtum ait, & dictum quasi silicernium. Eius  
 Nemo meminit Meleagris, vt laudat Nonius. *Fu-  
 nit exsequiatum laude ad sepulcrum antiquo more sili-  
 cernium consecimus.* Ita in Ms. repperit Iunius: cor-  
 rexi iam olim, *cum lauso.* Tria in omni funere præci-  
 pua nominat, exsequias, lausum siue, vt nunc enun-  
 ciamus, lessum, & silicernium.

## CAPVT XIII.

*Mundus. In mundo esse. Satullè. Emaculatus Appuleius:  
 item Plautus Persa, & Gellius.*

APPVLEIVS libro De Asino IV.

*Ad hec anus subiratior dicere eam seniore iam vultu iu-  
 bebatur, quod malum fieret, vel quid repente postlimi-  
 niopresse quietis lamentationes licentiosas refricaret.*  
*Scribo haud dubia veritate, quid (malum) fleret.* Idem  
 libro sexto primore:

*Erant & falces & opera messoria, modus omnis, sed cun-  
 cta passim iacentia, & incuria confusa.*

*Lego, & opera messoria mundus omnis.* Mundus non  
 muliebris tantum ornatus, sed cuiusuis rei prompta  
 & parata copia: vnde vulgatum loquendi genus in  
 mundo esse, de eo quod in promptu & domi ad ma-  
 num est, nec quærendum foris. Ita Plautus mun-  
 dum rusticum dixit pro hisdem rei rusticæ instru-  
 mentis. Mercatore:

*Multoperè in mundo rustico se exercitum.*

Eodem libro:

*Quo metu statim completo caelesti theatro pro sede subli-  
 mi sedens procerus Iuppiter, sic enunciat: Dei conscri-  
 pti Musarum albo.*

Facillima correctio est, *Musarum albo.* Notum est  
 albo



albo significari libros magistratuum. vt igitur Romæ in tabulas à censoribus referebantur, qui in senatum lecti, ideoque patres conscripti essent: ita deos istos poëticos iocolissimè ait in albo Musarum censeri; vtpote qui commentum poëtarum sint. E diuerso Plauti locum emédandum censeo Persa. Scæna, Veterem atque antiquum.

*Si id fiat, ne isti faxim nusquam appareant,*

*Qui hîc albo rete aliena oppugnant bona.*

Rectius enim legetur, meo iudicio: *Qui hîc aluo rete a. o. b.* Caussidicos & forenses rabulas aluo tamquam reti vti ait, & vt in hoc pisces iniguntur: ita in illam bona eos aliis erepta obstrudere & consumere.

Idem Appuleius lib. vii.

*Tuceta concinnat, apponit satullè, sed præcipuè poculis crebris grandibúsq; singulos ingurgitat.*

Lego, apponit satullè. Satullè est copiosè & affatim. satullare vetustè satiare est. Varro *περὶ αἰσθητικῶν*: Neque in puluere mythico coquam carnes quibus satullem corpora ac famem ventris.

Eodem libro:

*Totis ergo prolatis eruditisque rebus & nobis auro & argento ceterisque onustis.*

Legendum, *erutisque rebus*. Eruerant res à latronibus occultatas atque abditas.

Paullò pòst:

*Puérque mihi præfectus imponitur. Omnibus quidem ille puer deterrimus.*

Vera scriptura, vt opinor, est: *Omnimodis q. i. p. teterimus*. Et ita propemodum locum A. Gellij constituo lib. iii. cap. xix. *Ex quibus latenter intelligas, non omnes modò diis exosos esse, qui in hac vita cum æumnarum varietate colluctantur. Corrige, non omnimodò.*

Eodem



Eodem libro extremo:

*Cui tandem vel ineptissimo persuadere possis, atrocitatem istam culpa vacare: cum propugnare pedibus & arcere morsibus misello puero potueris.*

*Liquet mihi deierare, scribisse Appuleium: & arcere mordicibus, & respexisse Plauti illud Aulularia:*

*Afini me mordicibus scindant, bones incurserint cornibus.*

#### CAPUT XIV.

*E Quintiliano macula aliquot sublata.*

V s v s sum peruetusto M. Fabij libro, beneficio optimi & humanissimi viri Melchioris Hittorpij, descripto quidem eo vitiosissimè; ex cuius tamen vestigiis multa bonæ lectionis veluti vestigia sagaciter odoranti sese offerant. Argumento erunt pauca quædam ex libri sexti proœmio:

*Te ne consulari nuper adoptione ad omnium spes honorum patris admotum, te auunculo Prætori generum destinatum, te omnium spe Atticæ eloquentiæ candidatum, superstes parens tantum ad pœnas, amisi?*

Primis verbis melius ille, quem dixi, liber: prius admotum. Neque enim Quintilianus honoribus urbanis floruit; at adoptione consulari ait filium suum paullo antè quàm moreretur in spem honorum venisse. Postea idem liber: *te omnium spe acutis eloquentiæ candidatum*. Facilis erat emendatio, *spe ac votis*: at isti correctores Atticam eloquentiam somniant.

Paullo post:

*Boni autem consulere nostrum laborem vel propter hoc certum est, quod in nullum iam proprium usum perseveramus: sed omnis hæc cura ad alienos, ut alienis utilis (si modò quid utile scribimus) spectat.*

MS. vel



MS. *vel propter hoc cecum est. Emendo, equum est.*  
 Postea, *sed omnis hæc curas alienas utiles, si modò &c.* Vnde haud difficulter elicui, quod verum arbitror: *sed omnis hæc cura alienas utilitates.* Adiicit deinde:

*Nos miseri sicut facultates patrimonij nostri, ita hoc opus aliis præparamus, aliis relinquemus.*

In MS. erat *præparabamus.* Suspicio scribisse Quintilianum, *properabamus.* Certè elegantius non potuit. Catullus:

*Cum Medi properare nouum mare. Plautus Casina:  
 Hanc tibi nunc veniam minus grauatè propero.*

Properasse autem hos commentarios se metu mortalitatis suæ ait ipsemet hoc ipso præmio non longè ab initio.

## CAPVT XV.

*Pigmenta. Frumen siue rumen. Frunisci. Ruminari. Irrumare. Varronis fragmenta aliquot correctæ: duo composita.*

E VARRONIS Marcipore Nonius adducit, in Conscribillare:

*Astrologi non sunt qui conscribillarunt pingentes cælum. Malim, pigmentis cælum. Species intelligit animantium, quas in cælo finxerunt Mathematici, pinxerunt & pigmentis suis illustrarunt pictores.*

In Optare:

*Diogenes qui amicos qui iussus ab Alexandro rege, optare quid vellet, se facturum.*

Corrigo, Diogenes Cynicus, qui. & mox: *optare; quid quid vellet, se facturum.* Notum votum philosophi est, relatum à Plutarcho, ne sibi apicanti officeret Alexander.

In Of-



*Dein mittit virile veretrum in flumen: offendit buccam  
Volumnio.*

Flagitiosa sententia est: sed scripsit tamen Varro, *Dein mittit virile veretrum in frumen*. Frumen siue rumen est pars colli qua esca deuoratur, inquit Festus: & inde ducta frunisci & ruminari; etiam irrumare, quod quid sit me docere piget: hinc certe nimium Romanè à Varrone explicatum est. Ex eiusdem Manio quæ laudat Nonius in Altus, Prospiciens & Limus, ita olim cohesisse non dubito:

*Habes antepositam alimoniam sedens, altus alieno cibo, neque post respiciens, neque antè prospiciens: sed limus intra limites culinae.*

Acris obiurgatio desidia est: postremis verbis allusum videtur ad Oeni fabulam, qui obliquus funem torquet, & asinum spartum admordentem præ ignauia non abigit.

## CAPVT XVI.

*Escondere. Exscendere. Neruias extendere. Cicero, Varro, Festus, Cecilius emendati.*

ASSENTIOR doctissimis viris multa scripsisse M. Tullium more maiorum; hoc est, vetustè & minimè ad captum nostræ ætatis litteratorum: quorum in libris nec vola nec vestigium, quod dicitur; cum auctorum negligentia, tum bonam partem audacia correctorum. testem dabo locum ex Officiorum lib. III.

*Conscriberunt communiter edictum cum pœna atque indicio, constitueruntque, ut omnes simul in rostra post meridiem descenderent.*

Quid, malum, hoc monstri? in superiorem locum ut descendatur? nusquam factum reperies: & non certius



ius fuisse Ciceronem, quàm eundem hic scribisse, post meridiem escenderent. qui dubitat, similem locum videat Oratione pro lege Manilia, siue; eadem enim est; de imperio Cn. Pompeij:

*& his temporibus non pudebat magistratus populi Romani in hunc ipsum locum ascendere.*

Vbi liquidò habet liber scriptus, qui Colonia in æde maxima publicitus seruatur: *& his temporibus nonne pudebat m. p. R. i. h. i. locum ascendere?* & sensu & verbis longè melius & agitur de iisdem rostris. In eodem verbo sæpe peccatum in Varrone De lingua Latina. nos exemplo vno contenti erimus libro **IIII**. *Tertius gradus est, quo philosophia ascendens peruenit.* In mss. reppererunt viri docti *descendens*. Scribe mea fide, *escendens*. Addam locum Epistatomo, quem Priscianus adducit libro **VII**.

*Si properas extende huc in meam nauem, ita celeris est.*

Lego enim & hîc, *escende*: aut certè, *exscende*. nam in hoc verbo & Festi mutilatum locum corrigo: *Excedere, egredi*. vbi ms. Colonienfis, *Escendere*: emendo, *Exscendere*. Vt autem Cæcilij versu extendere migravit in alienum, ita suis sedibus emigravit in Varronis Saturam ὁν & λύρας, apud Nonium Neruiæ.

*Scientia doceat, quemadmodum in psalterio est, tendamus neruias.*

Repono, *extendamus*. Neruias extendere est intendere siue concinnare fides. Hæc commodùm scriberam, & communicaram cum amœnissimi ingenij iuvene Gabriele Rolandio, familiari meo: cùm animaduerti eodem modo ex Vaticano emendasse locum illum ex Officiis M. Muretum. Quid quæris? gaudius sum non mediocriter posse & nobis pro sententia excidere, quod doctis placeat.



## CAPVT XVII.

*Flectere comam. Prata. Candida. Trita. Colere. Emaculata multa in Martiale.*

MARTIALIS libro ii. Epigrammate xxxvi.

*Pectere te nolim, sed nec turbare capillos;*

*Splendida sit nolo, sordida nolo cutis.*

liber scriptus, *Flectere*: rectè, si quid iudico, hoc est, intorquere calamistro. Ita libro sequente ex manuscriptis lego:

*Bellus homo est flexos qui digerit ordine crines,*

*Balsama qui semper cinnama semper olet.*

Cincinnati capilli & calamistrati Martiali non placent; ut neque impexi & horridi: compositi & pexi, quod inter illa duo tamquam medium est, non displicent.

Epigrammate xlv i.

*Florida per varios ut pingitur Hybla colores,*

*Cum breue Sicania ver populantur apes:*

*Sic tua compositis pellucet praela lacernis,*

*Sic micat innumeris arcula synthesis.*

*Atque vnam vestire tribum tua vellera possunt,*

*Appula non vno quæ grege terra tulit.*

*Tu spectas hiemem succincti letus amici,*

*Prò scelus! & lateris frigora trita times.*

Versu tertio ms. *sepositis collucet praela lacernis.* melius omninò. Lacernæ sepositæ sunt impares, quæ rarò sumerentur: quarum affluentia copia subindicat multitudinem parium siue quotidianarum: & eleganter praela appellavit thecas, in quibus parata vestimentorum copia, ut in prato rustico graminum. Mox bene idem liber, *tua candida possunt*: non ut vulgò, *vellera*. Candida absolutè togæ candidæ sunt: ita paullò



paullo inferius trita dixit pro veste depāni & attrita.

*Pexatus pulchrè rides mea Zoile trita.*

& bellè lacernis, quæ vulgò pullæ erant, togas subii-  
cit; quæ albæ aut candidæ. Versus postremus,

*Prò scelus! & lateris frigora trita times.*

benè habet, testibus libris veteribus & sententia.

Cùm enim trita ita frequentarent, vt modò diximus:  
argutissimè vocavit frigora trita vestes, quæ lacera  
frigus vndique admitterent. Ita libro v i i.

*Esse queror gelidâsque mihi tritâsque lacernas.*

Latus pro sodali & congerrone assiduo vñtauit &  
libro v i.

*Inter Baianas raptus puer occidit vñdas*

*Eutychus ille tuum Castrice dulce latus.*

*Hic tibi curarum socius, blandúmque leuamen,*

*Hic amor, hic nostri vatis Alexis erat.*

Epigrammate l v.

*Vis te, Sexte, coli: volebam amare.*

*Parendum est tibi; quod iubes colere.*

Mancum epigramma publicatur, supplendum addi-  
to versu ex libris scriptis:

*Sed si te colo, Sexte, non amabo.*

Colere terebant pro salutare & adsectari patronos &  
amicos primores siue magnos. Cicero pro Cælio:

*Quo facilius & nostras obire domos, & ipse à suis coli posset.*

Trahebatur autem & in rem amorum, & idem erat  
quod arari, Truculento:

——— *qui arari solent ad pueros ire melius.*

In hac ambiguitate lusisse poëtam suspicor.

## CAPVT XIX.

*Rinales. Luna aquulenta. Varro apud Nonium correctus.*

M. VARRONI hoc capite operam dabo, sed

G

faltua-



saltuatim & vellicatim, ut ait ille. Nonius in Macescebat.

Varro Serr. *περὶ ἀρχαίς*. Noster Atticus riualis homo iturus in curiam commacescebat.

Lego, Noster antiquus riualis domo iturus. Riuales, qui vno riuo vterentur; vicini. Ita verti possent Atheniensium *φράτορες*, siquidem origo vocis ἀπὸ τῶν φρεάτων ducta est. In Nobile.

Varro *περὶ αἰδέσεων*. Tum contremula aquilenta apud alta littora Oriris ac reluces nobilis omnibus.

De luna scripti delicatissimi trimetri sunt. Principium leuiter corrigo, Tu cum tremula, aquulēta. Aquulenta dixit proprio epitheto, quod humorem terris inducat. In Cedere.

Varro Eumenid. Maximum dum cedit ferro sed cedere Vlyssē

Cum bacca syluam cedit porcósque trucidat.

Emaculandum haud dubiè, Ajax dum credit ferro se cedere Vlyssē. de Aiace furente ἢ *μαστιγοφόρῳ* sermo est.

In Bellum.

Varro *ταφὴν περὶ πρῶτου*. In charteo stadio ἐπιταφίων lego, a quo qui certasset animo, bellus homo magis delectatus Stoicorum pancratio, quàm athletarum.

Nescio an scribserit Varro, Agone certasset animi bellissumo. Bellissimum agona dicit esse cultum animi & doctrinæ studium.

In Stare.

Varro Flextabula. Atque si addam, quanta misericordia mea heredibus meis stet, quod miseros subleuauerim.

Scribo, quanti m. m. heredibus meis stet: quot miseros s.

In Rutuba.

Varro Sexagesimo. Ergo tum Romæ parcè purèq. prudentes Viuere tum in patriam nunc sumus in rutuba.

Versu



Versu posteriore lego *Vixere in patria*. Adeò ait degenerasse morem maiorum, vt ipsa Romaniam Roma non sit, sed scelerum colluuiēs.

## CAPVT XIX.

Βῆς ἐν πόλει, prouerbium. Despectare. Hiscere.  
*Martialis emendatus.*

AD Martialem, vnde modò discessi, redeo. lib. i.  
Epigrammate LXXVII.

*Quid tibi cum Cirrha, quid cum Permesside lympba?*

*Romanum propius diuitiúsque forum est.*

*Illic æra sonant. at circum pulpita nostra*

*Et steriles cathedras basia sola crepant.*

Omnino melius liber scriptus: *ad circum & pulpita nostra*. Recenset loca poëtis veluti consecrata, circum, in quo ludi fiebant & spectabantur fabulæ; pulpita, è quibus recitabātur poëmata; cathedras Grammaticorum, è quibus explicabantur. Et vrbane virum disertum à scribendo poëmate deterret, cui vberior quæstus in foro propositus sit. Contrà caussidicum infantem, à foro ad versus vt inopiæ subsidium confugientem lepidè ridet in Apophoretis.

Lemmate, Corculum.

*Pauper caussidicus nullos referentia numos*

*Carmina cū scribas, accipe cor quod habes.*

Lemma aliter concipiunt libri scripti, & vetustè editi: *Cor bubulum*. Rectè, ni fallor: & allusit ad paræmiam βῆς ἐν πόλει, cū rem vrbānam & lepidam aggredditur homo agrestis, & rus merum, quique ei perficiendæ parum idoneus est. Mittit igitur iocosè caussidico cor, sed quale is cui mittitur habet stupidissimi animantis.



## Epigrammate LXXIX.

*Nec tamen obscuro pia polluit ora veneno,*

*Dimisitq; animam nobiliore via.*

—ms. *palluit ora veneno. præclaré. Venenum pallorem inducit, vnde Virgilius de Cleopatra, pallentem morte futura.*

## Epigrammate XC VII.

*Rogabit, vnde suspicer mollem virum.*

*Vna lauamur, adspicit nihil sursum:*

*Sed spectat oculis deuorantibus draucos.*

Scripti, *Despectat.* Despicere in flagitiosis verbis est: vt descendere, Catullo; demisso capite esse, Ciceroni; aliis alia.

## Libro V. Epigrammate LV II.

*Cui tradas Lupe filium magistro*

*Quæris sollicitus diu, rogásque.*

*Omnes Grammaticósque rhetorásque*

*Deuites moneo, nihil sit illi*

*Cum libris Ciceronis aut Maronis,*

*Fama Luciliuin suæ relinquat.*

*Si versus facit, abdicet poëtam.*

*Artes discere vult pecuniosas?*

*Fac discat citharædus, aut choraules.*

*Si duri puer ingenû videtur,*

*Præconem facias vel architectum.*

Viueret Orbilius, malum Martiali in mundo esset. quis enim ita vniquam locutus est? *discat citharædus,* pro *discat cithara.* Sed aut ego vehementer erro, aut à librariis hoc stigma inustum est poëtæ, legendumque, *Fac hiscat citharædus.* Hiscere conatum loquendi magis significat, quàm loqui. Virgil. *vix pauca furenti Subiicio, & raris turbatus vocibus hisco.* transfertur ad rem Musicam venustissimè. Propertius: *Tantum operis ner-*



*vis neruis hiscere posse meis.* Idem alibi de Apolline cum cithara ad viuum depicto, *visus Marmorea tacitus carmen hiare lyra.* Argutè igitur Martialis, fac, inquit, rude quiddam & indoctum tentet saltem cithara pangere, præstabo, eum rem facturum.

## CAPVT XX.

*Carmen. Carminare. Plautus emendatus Menæchmis.*

PLAVTVS Menæchmis, Scæna Per ego vobis. *Bene autem ora commentaui, atque ex mea sententia.* Mira sunt quæ hic viri docti comminiscuntur, de mento & commentatione. Ego si exemplum haberem, lubens legerem, *ora carmentari*, aut certè, *carminaui*. Vt ab argumento argumentari: ita à carmento, quod instrumentum lanæ putandæ proprium, carmentari, aut, vt hîc Plautus, Carmentare, videtur fuisse in vsu. Certè vsitata in eadem re, carmen & carminare. Lucretius: *quasi carmine lana trabatur.* Plinius libro ix. *Quinisq; lana potat horis, rursusque mergitur carminata, donec omnem ebibat saniem.* Benè, inquit seruius, illis os depexui & quasi lanam carminaui: alludens ad id quod Menæchmus dixerat, *Pecte os pugnis.* Hanc tamen emendationem meam veram non præsto, vt neque illam suprâ, Scæna, Vt ætas mea:

*Sed hæc res mihi in pectore atque corde cura est*

*Quidnam hoc sit negocij.*

leuiter tamen suspicabar scribisse poëtam, *Sed acris mihi in p. a. c. cura est.* Scæna, Si vultis oculos.

*O salue insperate multis annis postquam conspikor,  
Frater.*

G 3

Ita



Ita omnes libri, cùm perspicuè verum sit, *multis annis post quem.*

## CAPVT XXI.

*Tria Varronis fragmenta apud Nonium composita.*

DONATVS Probum ait memoriæ prodidisse à M. Varrone traditum puetos initiari solitos Edusæ & Potinæ & Cubæ diuis edendi, & bibendi & cubandi. vbi primùm ex cunis & à lacte transierunt. Id vbi scriptum reliquisset Varro quæsiui, & inueni in Nonij tribus locis discerptam hanc parrem libri De educandis liberis, quem Catonem inscripsit, fortasse quòd Catonem sequeretur plurimum. is enim hac quoque de re præcepta perscripsit. Ea ita composui. Cùm primò cibo & potione initiarent pueros sacrificabantur ab edulibus Edusæ, à potione Potinæ nutrici. Sic cùm primùm fari incipiebant, sacrificabant Dio Fabulino; ali, Statano & Statilino, quorum nomina habent scripta pontifices. Neque verò dubito quin eodem hoc loco de Cuba quoque meminerit; cuius tamen rei in ruderibus Varronis vestigium, quod sciam, nullum exstat.

## CAPVT XXII.

*Martialis aliquot locis emendatus. Biuira.*

MARTIALIS libro v. epigrammate xxii.

*Quintum pro Decimo, pro Crasso, Regule, Marcum*

*Ante salutabat rhetor Apollonius:*

*Nunc vtrumque suores salutat nomine. quantum*

*Cura laborque potest, scripsit & edidicit.*

ms. *Macrum.* Incidebat enim iste quisquis fuit rhetor in contraria, hesitante memoria: & augebat vitium,



tium, quòd Crassi & Macri eiusdem gentis sint; vtri-  
que enim Licinij.

Epigrammate III. libri VI.

*Nascere Dardanio promissum nomen Iulo*

*Vera deum soboles: nascere magne puer.*

rectè ms. *promissum numen*. Significat imperatorem  
futuram Domitiani filium: nam ij tantum consecra-  
bantur. Vnde nota vox Seueri Imp. mirari se fatum  
Getæ filij, cui astra diuinitatem promitterent, spem  
imperandi adimerent.

Epigrammate XI.

*Quòd non sit Pylades hoc tempore, non sit Orestes*

*Miraris? Pylades Marce bibebat idem.*

*Nec melior panis turdusue dabatur Oresti:*

*Sed par atque eadem cana duobus erat.*

ms. *Nec melior rhombus*. rectius: & id probat, quod sub-  
iicit diuersum genus luxus in volucris.

Epigrammate XXXIII.

*Inguina succinctus nigra tibi seruus aluta*

*Stat, quoties calidis tota foueris aquis.*

*Sed meus vt de me taceam, Lecania, seruus*

*Iudeum nulla sub cute pondus habet.*

*Sed nudi tecum iuuenesque senesque lauamur.*

*An sola est serui mentula vera tui?*

Versu quarto planè legendum, nullus: pro non, vt sæ-  
pissimè Latini. Sexto arbitror reponendum:

*An sola est serui mentula verpa tui?*

Eam enim caussam sui tegendi etiam alij nescio cui  
esse, Martialis alibi indicat.

Epigrammate LXXII.

*Hinc vidua Cybeles, illinc sacraria Vestæ,*

*Inde nouum, veterem prospicis inde Iouem.*

G 4

libri



libri scripti, *bivie Cybeles*. an fallor? an scribbit Mar-  
tialis *biuire*, tum eam vocem ut explicaret Gramma-  
ticus adiecit, *hoc est, vidua*; eaque glossa in libros post-  
ea irrepsit. Vix est, ut hoc mihi possit eripi. Nam  
biuiras viduas Latinè dici Nonius docet adducto  
exemplo Varronis: *Ad biuiram venio, cum vellem ostende-  
re quid vellem Metamelos inconstantie filius me reprehendit.*

## CAPUT XXIII.

*Pompa. Nihil amare. Cassa specula, terricula. Mulo in-  
scitior. Muli. Cistellaria Plauti explicata, emendata.*

CISTELLARIA Plauti prima statim fabula Si-  
lenium quærenti Lemnifelenæ quo ad illam pacto  
Alcesimarchus insinuasset, respondet: *per Dionysia  
Mater pompam me spectatum duxit.*

In quibus verbis poeta consuetudine sua ambiguo  
pereleganti lusisse videtur. pompam enim aut appa-  
ratum sacrificij intelligere licet, ut aliàs fere; aut ipsum  
Silenium. ad quod exemplum id Milite à parasito  
dicitur:

— *que me ambæ obsecrauerint,*

*Ut te hodie quasi pompam illac præterducerem.*

Et voluit fortasse notare mores mulierum, quæ, ut  
verissimè Naso canit, ad huiusmodi sollempnia

*Spectatum veniunt, veniunt spectentur ut ipsæ.*

Eadem scæna aliquot versibus post, cum puella ma-  
trem sibi iratam diceret, quod domum se non rece-  
pisset, ex quo ducendam Alcesimarcho uxorem in-  
audisset, subiicit eadem lena; *Nihil amare iniuriam est:*  
quæ verba subobscura, & nisi fallor, perperam ha-  
ctenus accepta sunt. Ego arbitror hoc velle; non mi-  
rum esse, si mater irata sit. iniuriam enim accipere à  
filia,



filia, quæ nihil amet; hoc est, sine spe lucri sui, & eum cuius animus alibi occupatus sit: quorum neutrum meretriciam disciplinam addecet. ea enim luctum tantum, si frugi sunt, amant; aduentores amare se simulant, dum id quod volunt auferant: tum inanes abs se amittunt, & Lucillij illud occinunt,

*Quid mihi ratione hoc opus & tricone vadato? mutone*  
Eadem fabula, Scæna Nullam ego me.

*Non ecastor cassa memoro. nam obsecro unde hæc gētiū.*  
Cassa memorare, si locus bene habet, est frustra & nequiquam verbis sibi spem facere; cū in re nihil sit: à nuce cassa, quæ putamen habet, nucleo deficitur. ita cassam speculam Appuleius dixit, Milesiarum III. *Quin igitur masculum animum sumis, & cassæ speculæ renuncias fortiter, & vltroneam te dominæ tuæ reddis?* & Afranius cassam terriculam, pro minis inani-bus; Priuigno:

*Numerò inepti pertinuistis cassam terriculam aduersarij.*

Scæna sequente:

*Sed nōne ecastor ego sum. multo inscitior, hos quæ rogem atque fatigem,*

*Qui semper malo muliebri sunt lubentes.*

Ita Q. l. veteres, ut testati sunt alij. verum est, aut veri saltim non dissimile, scribisse Plautum, *mulo inscitior*: quod adagionem urbanum & politissimo poëta dignum redolet. nam ita & mulos *παροιμιαδῶς* nominabant stupidos & hebetes *καὶ ἀναιδέστες*. Catullus:

*Mule, nihil sentis.*

## CAPVT XXIIII.

*Duū item locorum in Plauto correctio.*

LEVE mendum contaminauit versum Plauti

G 5

Milite,



Milite, Scæna Nisi hercle defregeritis.

*Euge euge euschemè mehercule astitit dulcè & comædicè.*  
Mirum est tamen, neminem monuisse reponendum  
heic, *dulcè & comædicè.* De seruo enim sermo est,  
quem ait personam suam præclarè agere, & statum  
in comædia seruilem egregiè repræsentare. Æquè fa-  
cile fuerat maculam tollere è Sticho, Scæna Agite,  
ite foras.

*Nosmet inter nos ministremus Monotrophe. hoc conui-  
uium est.*

Nam vera scriptura est, nisi admodum animi fallor,  
*N. i. n. ministremus. monostrophe hoc conuiuium est.* Al-  
lusit ad morem Scænicum, quo in orbem ibat can-  
tio à strophis ad antistrophas: ita enim in conuiuiis  
poculum à conuiuatoribus porrigitur pocillatori. at  
hi ipsi sibi ministrabant, sine puerorum opera: quare  
monostrophem illud suum symposiũ urbanè vocant.

#### CAPVT XXV.

*Exigere. Defendere pro arcère. Auère. In Martiali versus  
aliquot emaculati.*

MARTIALIS libro VII. epigramma XXVII.  
ita concludit:

*Sic fora mirentur, sic te pallatia laudent,  
Excolat & geminas plurima palma fores;  
Otia dum medius præstat tibi parua December  
Exigis & certa quos legis aure iocos.  
Scire libet verum; res est hæc ardua: sed tu  
Quod tibi vis dici dicere, Fusce, potes.*

Rogat scilicet Fuscum sales suos vt cognoscat, &  
quid sui de iis iudicij sit, indicet: & cupere se qui-  
dem verum sibi dici, si tamen id spissius futurum sit,  
posse



posse eum gratiam, quam ponat in orationibus Fusci laudandis, sibi referre; vt fiat, quod dicitur, mutuum muli. Hæc sententia quo minus in ipsis versibus liquida & clara sit leue mendum facit, versu quarto: quod è fide vetusti codicis ita corrigo, *Exige, sed certa.* Exigere huic poëtæ accuratè perpendere & examinare est; vnde exacta, limata, &, vt cum Plauto loquar, amussitata. Suprà libro IIII.

*Non tetrica nugas exigit aure meas.* Item VI.

*Dum nostras legis exigisq;ue nugas.*

Epigr. xxxv. eiusdem libri:

*Cùm pluuias madidumque Iouem perferre negaret,*

*Et rudis hibernis villa nataret aquis,*

*Plurima quæ posset subitos effundere nimbos*

*Muneribus venit tegula missa tuis.*

*Horridus ecce sonat Boreæ stridore december:*

*Stella, tegis villam; non tegis agricolam.*

*effundere nimbos*, nescio an dixerit poëta; hac quidem in significatione. certè multò aptius huic loco quod mihi in mentem venit, & fortassean Martialis scribit, *defendere nimbos*. Notum est, id verbum pro arcere & repellere poni solère. M. Tullius pro Roscio Amer. *Iniuriam nouo scelere conflatam putant oportere defendi.* Cæsar primo belli Gallici: *Quod bellum non intulerit, sed defenderit.*

Epig. Lxx. libri x.

*Plorat Eros, quoties maculosa pocula myrrhæ*

*Inspicit, aut pueros, nobiliusue citrum:*

*Et gemitus imo ducit de pectore, quod non*

*Tota miser coëmat septa seratque domum.*

*Quam multi faciunt quod Eros, sed lumine sicco?*

*Pars maior lacrimas ridet & intus habet.*

*Labor vt emendem, & intus hauet.* Plerosque, ait, non absti-



abstinentiores esse Erote, sed prudentiores. ideo palam reprehendere cupiditatem tam apertam; clàm, &, quod aiunt, in pectore eadem illa requirere & desiderare. Auêre ἐνερπητικῶς, pro cupere; unde auidus & auarus. Sic Lucillius apud Nonium:

*Cocus non curat codam insignem esse, dum pinguis fiet;*

*Sic animum amici querunt, parasiti diuitias auent.*

Neque tamen inficior posse ex publicata etiam lectione sententiam non incommodam elici; ut hoc poëta dicat, plerosque lacrimas ridere quidem, sed easdem tamen in pectore habere: verum quod nostrum illud argutius videbatur hominibus eruditis considerandum proponere volui, si fortè quibusdam non omnino displicuisset.

**F I N I S.**




ANTVERPIÆ EXCVDEBAT CHRIS-  
TOPHORVS PLANTINVS, AR-  
CHITYPOGRAPHVS, CIO. IO.  
LXXXII. KAL. FEBRVARII.



ERRATA SIC CORRIGE.

- Præfat. principio. *tam nusquam*. scribe, *tum*.  
Pag. 13. verb. Ennii, *pugnare suos*. scrib. *sues*.  
Pag. 19. *noceri posset*. scrib. *nocere*.  
Pag. 26. *qui & consonandi*. scrib. *consonanti*.  
Pag. ead. *Aucupare*. scrib. *Aucupari*.  
Pag. 32. verb. Plauti. *ex insperato à portu modo*. scrib. *opportuno modo*.  
Pag. 33. verb. Varronis scribe, *exta casa & porrecta*.  
Pag. 39. *nobis*. scrib. *notabis*.  
Ead. *istud bellè*. scrib. *bello*.  
Pag. 41. *in commendandi*. scrib. *commendando*.  
Pag. 42. Fugit me, Pomponium de origine iuris Crassum Mucij fratrem dicere. hoc igitur muto. de correctione, in sententia maneo: causas edisseram, deo faciente, alibi.  
Pag. 53. *Titinnius Bubato*. scribe, *Barbato*.  
Pag. 95. *locum Episatomo*, adde, *Cacilij*.  
Pag. 105. *rautone hoc*. scrib. *mutone*.  
Si quæ præter hæc erunt, tute, spero, tibi indicabis.







Caelo receptus jam, Gubielinus mihi  
dixerat se nolle alienius nominis auctore  
esse: Quare cogitauerat oīo mature  
caput x. l. 1. veris. Item l. 3. c. 25. apud  
Marbale, effundere nimbo: dicebat re-  
tineri debere. §. de Quaes. per ep. p. 20.  
l. 14: Tamen in mīmo quodam Seneci  
Perhuacis scissura per quam brachia ex-  
eritur apparet: item in mīmo Ant. Pii.  
et Faustinae togae spectantur cum di-  
midis manicis. §. de Tempestinis  
conuiniis Lipsius ad Tac. p. 155.



